





續文獻通考卷之二百二十四

哈佛大學漢和  
圖書館珍藏印

皇明進士雲間王圻纂輯

物異考 詩異 至 鼠異

詩異

宋寧宗開禧二年鄂州民謠塞上將軍少城南從事多宣  
威不可問恢復竟如何後權臣開邊鄂為宣撫使置司  
多辟親故幕賓聚城南為酣縱云

金章宗泰和八年有童謠云易水流汴水流百年易過又  
休休兩家都好住前後總成留至貞祐中舉國遷汴

衛紹王初即位改元大安四年改曰崇慶既又改曰至寧  
有人語曰三年大崇至矣大崇者大虫也俄而有胡沙



虎之變

宣宗貞祐元年衛州有童謠曰團團冬劈半年寒食節沒  
人烟明年正月元兵破衛城遂丘墟 興定五年京師  
童謠云青山轉轉山青眈誤盡少年人蓋是時人皆爲  
兵戰鬪山谷轉轉不休當至老也 初南京未破時市  
中有一僧不知所從來持一布囊貯棗日日散與市人  
所在兒童百十從之又有一人拾街上破瓦復以石擊  
碎之人皆以爲狂不曉其故後乃知其意蓋欲人早散  
國家將瓦裂云

元

世祖初宋未下時江南謠言江南若破百鴈來過當時莫

喻其意及宋亡乃知指丞相伯顏也 至元甲子阿合  
馬拜中書平章領制國用使司時樂府中盛唱胡十八  
小令知識諱者謂其當擅重權十八年人未之信果於  
至元壬午伏誅適符其數越五年丁亥桑哥拜中書平  
章立尚書省貪暴殘忍更倍於阿合馬人亦謂桑字折  
而爲四十八桑字後改作相字亦作爲四十八竟不知  
應之於壽或應之於職然自立省之日至辛卯正月敗  
績恰四十八月其神驗如此 張之翰字周卿邯鄲人  
嘗除授松江知府自題桃符云雲間太守過三載天下  
元貞第二年是歲病卒果符其讖云 張起字起之四  
明人有詩名嘗作一聯云別來越樹長爲客看盡吳山



不是家未幾卒殆詩識云

文宗至順二年司徒香山言陶弘景胡笳曲有負展飛天曆終是甲辰君之語合陛下生年紀號實受命之符乞錄付史館詔翰林集賢諸儒臣議咸謂從山所言恐啓讖諱之端事遂寢

順帝至正五年淮楚間童謠云富漢莫起樓貧漢莫起屋但看羊兒年便是吳家國後我太祖定鼎于吳蓋童謠之應也十年河南北童謠云石人一隻眼挑動黃河天下反及賈魯治河果於黃陵岡得石人一眼而汝穎之變起脩縣有皇舅墓元初卽有謠云皇舅墓門閉運糧向北去水滄墓門開運糧却回來至正十三年

中原大水水退土阜崩墓門顯露自後天下多事海運不通卒如其讖十四年春城平江於古城基內得一碑其文云三十六十八子寅卯年至辰巳合收張翼同爲利不在常不在楊切須欸欸細思量且卜水莫問米浮圖倒地莫扶起修古岍重開河軍民拍手笑呵呵日出屋東頭鯉魚山上遊星從月裡過會在午年頭竟不曉所言何事或者以爲三十六四九也張翼巳午之交也張士誠第行九四而同首亂者適十八人也豈其然與方國珍台之黃岩人其居山中曰洋嶼嘗有童謠云洋嶼青出賊精國珍後果叛十五年京師童謠曰一陣黃風一陣沙千里萬里無人家回頭雪消不堪看



三眼和尚弄瞎馬 十六年正月常熟州陷松江府印  
造官號給散吏兵佩帶以防奸偽號之製作畫爲圓圈  
繞圍皆火焰圈之內一府字以府印印府字上圈之外  
四角府官花押民間謠云滿城多是火府官四散躲城  
裡無一人紅軍府上座不二月城破悉如所言 三月  
彰德路天雨毛如線而綠民謠云天雨線民起怨中原  
地事必變 七月彰德路李樹結實如黃瓜民謠云李  
生黃瓜民皆無家 八月彰德路雨毛民謠云天雨鼉  
事不濟 紅軍初起時旂上一聯云虎賁三千直抵幽  
燕之地龍飛九五重開唐宋之天其後毛貴一賊橫行  
山東侵犯畿甸駕幸灤京賊勢猖獗無異唐宋 二十

八年六月彰德路天寧寺塔忽變紅色自頂至踵表裏  
透徹如燬鉄物出於爐頂上有光焰透發自一更至五  
更乃止癸卯甲辰亦如之先是河北有童謠云塔而黑  
北人作主南人客塔而紅朱衣人作主人公

皇明

太祖洪武五年壬子春三月中書右丞王溥受 命督採  
林木至建昌蛇舌巖衆見衣黃衣者歌曰龍蟠虎踞勢  
堯堯赤帝重興勝六朝八百年來鐘王氣重華從此繼  
唐堯其聲如鐘已忽不見溥以上聞 太祖曰明理者  
非鬼怪可惑守正者非讖諱可遷漢之文成五利足以  
爲戒事涉妖妄豈可信也



建文君常有詩云是日乘輿看晚晴葱葱佳氣滿京陵禮樂再興龍虎地衣冠重整鳳凰城人以爲文皇識也

訛言

宋寧宗時浙東訛言唵縣有虎神募人捕之

金宣宗貞祐三年六月京城中夜妄相驚逐狼月餘方息元太宗九年左翼部訛言括民女帝怒因括以賜麾下世祖至元十一年誅西京訛言惑衆者

成宗大德六年龍興民訛言括童男女至有殺其子者命捕爲首者三人誅之始息

順帝至元二年民訛言朝廷拘刷童男女一時嫁娶殆盡胡粹中曰人必好色然後疑其淫人必貪財然後疑其

盜訛言雖起於閭閻之小人亦在上者露其機括故因以發之耳當時順帝志荒而欲縱聲色之好不待哈麻進秘密而後肆也訛言其必有所自矣

三年民訛言朝廷將采童男女以授韃靼爲奴婢且令父母護送直抵北交割故自中原至於江南凡品官庶人家但有男女年十二三以上便爲婚嫁雖守土官吏與夫韃靼色目之人亦如之十餘日乃止至正元年江浙行省平章政事只理瓦台入城之任日衣紅衣童謠曰火殃來矣至四月十九日杭州災燬官民房屋公廨寺觀一萬五千七百五十五間燒死七十六人明年四月又災甚於前自昔所未有也



皇明

太祖洪武八年甲寅冬十二月陝州人獻天書辭涉妄誕  
斬之

英宗正統元年京師小兒會天旱祈雨口中群誦雨帝雨  
帝城隍雨帝隨有土木之變 郕王以笏卽位蓋與第  
之謠至此始驗 十三年有人夢開黃榜傳第一名彭  
時國子生其人言於朋輩徧傳都下又一人謂岳正曰  
我昨夢見賢兄魁多士正曰若夢可信則已有人夢彭  
時作魁矣其人戲曰會試廷試有兩魁二人各占其一  
可也已而果然是時有童謠云衆人知不知今年狀元  
是彭時亦不知何自而起也

世宗嘉靖十四年京師民謠有曰十萬呂文選一億汪尚  
書蓋指汪鋐呂希周也時給事中孫應奎御史王廷等  
各列鋐賊以謠爲證章十餘上鋐乃乞休希周已遷通  
政并罷 三十四年十二月浙直訛傳有物如蝴蝶夜  
入人家變幻飛走禦之被傷如爪痕民間鳴鑼擊鼓爲  
防或言是馬祖師術官司捕馬道士不得尋亦止息  
穆宗隆慶二年正月江南訛言京師遣內臣選宮女于各  
省自是民間室女節婦老少苟且婚配旬月殆盡士大  
夫家亦爲之後來爭訟紛擾彌年乃定

今上萬曆二十六年正月兵部李禎奏本部哨役于部門  
外通衢拾得亂言書冊言道言佛兼似怨忿又散非一



處拾非一人喧聞市井 二月南京守備邢隆奏二十  
五年十二月二十二日安鄉伯張世恩等進內宿直堤  
獲男子一名供名宋四八浙江杭州府錢塘縣人有東  
陽人嚴師傳住離城二十里放光寺帶來經書口稱今  
人有難觀音彌勒下界將此經書同至南京在皇城內  
不拘官民看此可免災難引四八將書遺端門外白布  
包黃紙裹書十七冊上有奏聞二字及指南書三字中  
間語言荒唐不經煽惑人心

服妖

元世祖至元二十八年九月命尚衣局織無縫衣

射妖

金哀宗天興元年八月有箭射入宮中

毛蟲之異

宋

高宗建炎間荆南張四者虎突至其家急登梁喘伏虎亦  
之見也升堂脫其皮變為男子遍歷室中及居側林莽  
中尋之張乃下取其皮縛置梁上暮虎還視其皮大咤  
曰吾奉天符取十七人止餘汝在善還我皮當捨汝張  
乃應之曰還皮易耳汝即食我柰何曰我雖異類不忍  
負信遂出懷中天符索筆勾其名擲皮下虎蒙於體復  
故形哮吼奮迅跳出明日聞六十里外夜大雷震死一

虎



遼太宗以唐天復二年生神光異常獵者獲白鹿人以爲

瑞 天顯三年二月憶隱涅里衮進白狼 九年正月

南京進白麀 會同元年二月室帝進白鹿 三年二

月獵水門獲白鹿 四年二月皇太子進白獐 六年

六月奚田勃德部進白麀

穆宗應曆二年十一月朔州民進白兔 十三年五月幹

郎改國所進花鹿生麀 十八年六月捷烈于鷗窠中

得牝犬來獻 十九年三月漢遣使進白鹿

興宗重熙二十一年九月平州進白兔

金

太祖未卽位時使幹賽伐高麗爲具於毬塲以待捷音有

二麀渡水而至獲之太祖曰此休徵也言未旣而捷書

至

熙宗皇統三年七月太原路進獬豸

海陵正統六年十月大軍伐宋將至廬州獲白鹿以爲武

王白魚之兆

世宗大定四年七月嵐州進白兔二

章宗太和八年八月有虎至陽春門外駕出射獲之 元

光元年十月上獵近郊獲白兔群臣以爲瑞明日御便

殿置鈴於頂將縱之兔驚躍不已忽斃几上 二年十

一月開封有虎害人是時屢有妖怪二年之中白日虎

擲門吏部及宮中有狐狼鬼哭於輦路



哀宗天興初荆王守純府第每夜房間群狐號鳴秉燭逐捕則失所在未幾哀宗遷歸德後崔立以城降而守純等皆死青城

元

太祖駐師西印度忽有大獸其高數丈一角如犀牛然能作人語云此非帝世界宜速還左右皆震懾獨耶律楚材進曰此名角端乃旄星之精也聖人在位則此獸奉書而至且能日馳萬八千里靈異如鬼神不可犯也帝卽回馭

天台陶九成曰稽之前志神禹氏治水功成天降飛鬼日行三萬里而未嘗善言也又后土鐵蹄之獸至善言而未聞其獨角也軒轅獲飛黃而獨角漢武獲獸併角而五蹄又未嘗聞其善言能走也及聖祖誕膺天命而角端出焉夫一角者所以明海宇之一萬八千里之涉者所以示無遠弗届也

世祖至元二十八年虎入南城翰林侍講學士趙與票上疏言權臣專政之咎

成宗元貞三年海州牟平縣獲白鹿於聖水山以獻

順帝至正十年彰德境內狼狽爲害夜如人形入人家哭就人懷抱中取小兒食之是年浙江鄉試八月二十二日夜院中彷彿見一物馳過甚疾其狀如猛獸者軍卒從而喧哄因出角端爲賦題二十三年福州連江



縣有虎入於縣治 二十四年福州白晝獲虎於城西  
績溪縣嘗有群虎入境又有猛獸如彪逐虎食之虎駭  
而悉去

皇明

太祖洪武五年八月河南民獻白兔 命放之野 十年  
冬十月初三有虎白日入漢西門傷二軍人其一死  
詔赦徒役

成祖永樂二年甲申秋九月丁未 周王以騶虞來獻

八月 周王畋於鈞州獲一獸白質黑章貌首虎  
軀其狀孔威不可迫視 王命部卒俟之其性馴擾因  
召詢父老皆謂之騶虞至是 王率其屬表獻 闕下

十一年癸巳五月騶虞見于山東曹縣六月丁未朔  
以獻白質黑章性仁而馴呂震請表賀 上曰汝能効  
李沆爲人則善矣震退 上顧侍臣曰震可謂不學無  
術者也 十六年耀州獻玄兔呂震請賀不許

宣宗宣德四年二月襄城伯李隆獻騶虞二云出滁州來  
安縣石固山素質黑文馴狎不驚 上命群臣觀之胡  
濙等請上表賀 上曰禎祥之興必有實德庶幾副之  
朕嗣位今四年中外所任豈皆得人民生豈皆得所騶  
虞之祥於德弗類唐太宗嘗曰堯舜在上百姓敬之如  
神明愛之如父母動作興事人皆樂之發號施令人皆  
悅之是大祥瑞朕與卿等宜共謹之若騶虞其免賀



宣宗宣德八年癸丑秋閏八月編脩許彬以麒麟獅子福鹿玄虎四祥進

孝宗弘治十一年六月京師西直門有熊入城守衛者不覺馬文升謂野獸不宜入城奏參守衛因乞嚴武備以防不虞兵部郎中何孟春謂同列曰熊之爲兆旣當彼盜亦宜慎火同列莫曉不幾城內在處有火災禮部焚旣而禁中亦火乾清宮焚或問孟春孟春曰予不曉占書曾記宋人紀紹興己酉永嘉災前數日有熊至城下州守高世則謂其倖趙允緇曰熊於字能火郡中宜慎火果延燒官民舍是年之語蓋憶此事而云耳不意亦驗

世宗嘉靖二十年人豕生一犬八足四耳四目識者以爲犬羊入犯之兆後虜入大同掠萬餘人牛羊不計其數十二年癸巳春總理糧儲兼巡撫應天右副都御史陳軾以瑞兔獻 詔弗稱賀以禮部尚書夏言奏也

三十七年胡宗憲進白鹿秋八月宗憲又進白鹿 三十九年秋宗憲又進白鹿壽芝 四十年春正月陝西商南山萬壽宮前芝叢中土人得白鹿巡撫以獻 是年春二月南京錦衣指揮徐繼勳獻白鹿 四十三年甲子五月十六日祝壽生一子十八日又得一瑞莖是日內畜玉兔生二子閣臣徐階等率百官上表賀 四十五年丙寅夏六月二十五日太醫以瑞兔獻體備五



續文獻通考 卷之二十四  
色迥異恒品

今上萬曆二十三年春三河縣民家毋豨生八小豨肉有一人形者手足俱備但頭額上止有一眼產下能行其家以爲不祥斃之占者謂豨生人或人頭豨身爲邊鄙不寧之兆

麒麟

金熙宗天眷五年十月大名府進牛生麟

元

成宗大德九年二月大同平地縣迷兒的斤家牛生麒麟而死

武宗至大四年大同宣寧縣民滅的家牛生一犢其質有

麟無毛其色青黃類麟以其鞞上之

仁宗皇慶元年六月武安樂陽村產麒麟 二年二月是村麒麟又生始生其母懼而不近三步之外直視之而鳴麟亦鳴聲不類犢

泰定帝三年湖州府長興州民王復家牛生一獸麟身牛尾口耳皆赤墮地卽大鳴毋不乳之具圖以上不知何獸或曰此瑞也宜令史官紀錄

順帝至正九年三月陳州楊家庄牛生黃犢火光滿室麻頂綠角間生綠毛不食乳二日而死

皇明

成祖永樂十二年榜葛刺王表獻麒麟 上命免賀



續文獻通考 卷之三百二十四  
十三年麻林國進麒麟呂震請表賀 上曰翰林往日  
脩五經四書性理大全朕則許之麒麟有無何所損益  
其已之

### 馬異

宋寧宗嘉定十三年華容鄧氏馬產龍駒事聞命有司立  
馬監於此以識其祥後又產于其隣  
蔣粹翁政和人宋季爲太學生元混一天下隱於滿月  
山嘗言其先世家九峰山下畜一牝馬舍側有龍潭馬  
入浴其中龍與之媾而生龍駒龍首馬身狀如負河圖  
者後牧于山林竟失所在

### 皇明

成祖永樂十八年九月山東青州府諸城縣進龍馬縣馬  
嘗有牝于海濱者一日雲霧晦暝有物蜿蜒與馬接至  
是產駒鱗臆肉髮體具龍文其色青蒼蓋龍馬云

宣宗宣德七年五月太原忻州民人武煥家馬生一駒鹿  
耳牛尾玉面瓊蹄肉文被體如麟巡撫都御史于謙會  
同巡按三司視之咸謂其爲龍馬輿而進之禮部尚書  
胡濙請偕群臣上表賀 上曰二三年水旱告災者朕  
方日夕憂勵一獸之微何救民饑而欲表賀其止之

孝宗弘治元年戊申二月二十六日浙東處州景寧縣北  
屏風山有白馬成群首尾相銜從牛白山迤邐騰空而  
去聞是年陝西天門開人馬百萬自下而上大都所見



人馬皆鬼物之類甚可怪也

牛異

宋理宗端平元年八月紹慶府黃登進對奏武泰本唐武泰軍節度使今陛下潛藩陞為紹慶府臣到任後牛生獨角

金熙宗天眷七年十一月兵部尚書完顏秉德進三角牛

一作羊

元世祖至元十六年四月益都樂安縣朱十五家牛生犛犢兩頭四耳三尾其色黃生而即死

順帝至正十年秋襄陽車城民家牛生犢五足前三後二十六年春汴梁祥符縣牛生犢雙首二日即死

十八年五月東昌即城縣錢鎮撫家生黃犢六足前二後四二日而死

皇明

世宗嘉靖五年河南南陽縣牛生犢一首兩身 是年禮

部尚書席春奏有牛產犢一身二首腹內心肺膽各二

是年南城縣有虎手足如人傷噬人畜無筭 十一

年貴州銅城府平山衛軍餘范璽家于二月三十日黃

犛牛生犢頭額豐滿牙齒巉巖前二膝至足并尾俱成

麟甲甲內有毛渾身有紋落地而死 四十年福建漳

浦縣牛生犢三日三角人以爲牛妖

今上萬曆二十四年正月瀘州張四兒家訟于州稱四兒



續文獻通考 卷之三百二十四  
業屠牛衛軍馬洋回回種也性亦嗜食牛自鄉牽牛赴  
州至大渡口登舟牽繩忽斷牛奔入市過四兒家四兒  
恃力直前縛之不能制大懼奔入一店中牛亦追入店  
四兒登樓牛亦登樓觸四兒腸出死牛下樓復轉入一  
巷中查一牛肉肆適其主他出盡毀其家器業始徐徐  
出郊問之客店樓小梯狹而牛上下無碍其事甚怪

羽蟲之異

宋永州澹岩有馴狐凡貴客至則鳴鄒浩將至而狐鳴寺  
僧出迎浩怪之僧以狐鳴爲言浩常有詩云走入山來  
亦偶然初聞消息與人傳馴狐底事先知得隔夜飛鳴  
報老禪 長安方紹蘭適任宗宗爲賈湘中數年不歸

睹梁燕而語之曰吾聞燕自海東來往必由湘中欲憑  
汝附書於夫言訖淚下燕頡頏若有所諾復曰若允當  
拍我懷燕遂棲膝上蘭以詩繫足云一自去重湖臨總  
泣血書殷勤憑燕翼寄與薄情夫宗時在荊州忽燕子  
拍于肩解足書視之感泣遂歸 應山有字鴈媒者宿  
媒沙中諸群鴈聞其聲而至則掩取之三年矣一日中  
足鴈哀鳴而下與媒交其項弗釋併死之字者遂不復  
弋

遼太宗生時獵者獲白鷹人以爲瑞 天顯九年八月遼  
王自將南伐搜剌解里手接飛鴈上異之因以祭天地  
十一年八月遼主自將以援石敬瑭有飛鷲自墜而



死南府夷離董曷魯恩得之以獻卜之吉上曰此從珂  
自滅之兆也後果有應

穆宗應曆二年十月司徒老古等獻白雉

聖宗統和四年四月親征宋次沙姑河之北定以近侍粘  
米里所進自落鴉祭天地 十一月伐宋捷還次白佛  
塔獲自落馴狐以爲吉徵祭天地 九年八月東京進  
三足鳥

興宗重熙中劉伸爲崇義軍節度使政務簡靜民用不擾  
致烏鵲同巢之應詔褒遷其官

金太宗天會四年八月新城縣進白鳥

熙宗天眷十五年七月有司進四足雀

世宗大定二十九年十二月密州進白鶉白雉各一

宣宗元光二年正月有鶴千餘翔于殿庭移刻去是時鳥

鵲夜驚飛鳴蔽天其諸妖怪甚多十二月帝崩

元世祖至元五年秋七月螟生牧野南尋有鸚鵡自西北  
踰山來方六七里間林木皆滿遂下啄蝗食且盡乃作  
陣飛去

成宗大德三年七月揚州淮安蝗在地者爲鷲啄食飛者  
以翅擊死乃禁捕鷲

順帝至正十一年五月興國有大鳥百餘飛至郡西白郎  
山巔狀如人立去而復至者數次 十九年京師鷓鴣  
夜鳴達旦連月乃止有杜鵑啼於城中居庸關亦如之



續文獻通考 卷之三百二十四 五  
二十七年三月丁丑朔萊州招遠縣大社里黑風大  
起有大鳥自南飛至其色蒼白展翅如席狀類鶴俄頃  
飛去遺下粟黍稻麥黃黑豆蕎麥于張家屋上約數升  
許是年大稔

皇明

太祖洪武十一年戊午元旦早朝有鴟鴞自天而墮死于  
丹墀見者異之

孝宗弘治十四年二月保定府臣獻白鴉以爲祥瑞禮部  
尚書傅濟劾其不當奏 詔斥遣之

世宗嘉靖四十一年湖廣巡撫都御史徐南金獻白鵲

鳳凰

遼天祚帝乾統四年十月鳳凰見於瀋陰

金章宗泰和二年八月磁州武安縣鼓山石聖臺有大鳥  
十集於臺上其羽五色爛然紋多赤黃赭冠雞項尾濶  
而修狀若鯉尾而長高可逾人九子差小侍旁亦高四  
五尺禽鳥萬數形色各異或飛或蹲或步或立皆成行  
列首皆正向如朝拱然初自東南來勢如連雲聲似啓  
雷林木震動牧者驚惶卽驅牛擊物以驚之殊不爲動  
俄有大鳥如鵬鷲者怒來搏擊之民益恐奔告縣官以  
爲鳳凰也命工圖上之留二日西北去按視其處糞迹  
數頃其色各異遺禽數千累日不能去所食皆巨鯉大  
者丈餘魚骨蔽地以其事告宗廟詔中外



元順帝至正十一年廣西慶遠府有異禽雙飛見於述昆鄉飛鳥千百隨之蓋鳳凰云其一飛去其一留止為種人射死首長尺許毛羽五色有藏之以獻于帥府者久之其色鮮明如生云

雞異

宋度宗咸淳五年雞翼生距

元順帝至正十七年春三月上海李勝一家雞伏七雛一雛作牡雞狀鼓翼長鳴明年戊戌春正月錢塘盧子明又一雞伏九雛一雛有四足二足在翼下不數日皆死而各家亦無他異至正二十二年龍泉縣人家一雞二形一邊毛羽純雄一邊毛羽純雌能雄鳴又能雌伏

二十五年瑞安縣鄭鎮撫家有雄雞生子殺之腹中有子疊累然

皇明

孝宗弘治十四年春湖廣華容縣红柿村民劉福家雞生雛三足

世宗嘉靖四年長垣縣民王憲家雞抱卵內成人形耳目口鼻四肢皆具

鴨異

今上萬曆甲申年廣濟龍江鎮民某家群鴨中一鴨獨呼云筭帳始一婢聞之既而群聽無不聞者以告於其家翁翁聽亦然遂怒殺之置釜中愈烹愈大如鶩皆不敢



食投之江中已而無故構異訟家皆盡破蓋其先世皆業屠而翁又橫暴好漁奪人貲所謂筭帳必有陰王者龍蛇之異

宋陶弼永州人游吳中舟行忽雙鯉戲溪上傍一老父曰此龍也行且鬪若亟去去百步許雷大震岸把木拔二十餘舟皆覆弼舟獨完

端宗崩衆共立衛王年八歲方登壇禮畢御輦所向有龍擎空而上

遼太祖神冊五年五月有龍戰于洩刺山陽水上上射獲之藏其骨於府內 天顯元年七月次扶餘府城上見黃龍繚繞長可一里光耀奪目入于行宮有紫黑氣蔽

天逾日帝崩太宗改扶餘府爲黃龍府

聖宗時蕭蒲奴幼孤貧傭於醫家牧牛傷人稼數遭笞辱醫者嘗見蒲奴熟寢有蛇遶身異之教以讀書聰敏好學不數年涉獵經史習騎射仕終奚部六大王蓋龍種也

興宗時蕭柳從伐高麗遇大蛇當路前驅者請避柳曰壯士安懼此拔劍斷蛇而進卒破敵

天祚帝爲金所逼渡河奔夏帥耶律敵烈等劫雅里北走至沙嶺見蛇橫道而過識者以爲不祥後雅里雖立爲帝不久亦死

金熙宗天眷元年夏見一蒼龍一爪承一嬰兒見爲龍所



戲畧無懼色三日如故 皇統九年四月有龍鬪于利州榆林河上大風壞民居官舍 詳見風門

世宗未卽位時在遼陽一日方寢有紅光照室及黃龍見於寢上後復有雲氣自西來黃龍見其中卽于是年登位 大定十四年八月次紉里赤日中白龍見于御帳之東小港中旣而乘雲上升尾猶曳地良久北去

章宗明昌五年七月有龍曳尾於殿前 六年八月大雨雷電有龍起於渾儀驚跌臺忽中裂而摧儀仆於臺下 宣宗貞祐二年正月次宜春有黃龍見於西北

元世祖至元二十年六月中大雨汲郡河西鄉農有王氏家甫夕黑霧四塞窓戶開寒凜不可勝視之有蒼龍蜿蜒在氣中起而復墮者再時王女下堂驚仆於地救之乃甦問所見亦同少頃霆震霧散失所在明日視其地鱗鬣印泥尚宛然

順帝至元五年六月長汀縣山蛟出大雨驟至平地湧水深三丈餘飄沒民居八百餘家壞田二百餘頃 至正十五年七月構李城東馬橋上白龍掛烈風怪雨天闇黑如深夜壞民居百餘所大木盡拔木自半空墮下悉折爲二雜以萬瓦亂飛溪水直立人皆叫號奔走不暇顧妻子龍由馬橋歷城北望太湖而去有聲如萬屋齊壓四望黑雲洶湧失府城所在經一二時方開霽不一

年爲戰鬪之地凡龍所過處荆棘寒煙視昔日之繁華



頓如一夢 十七年六月温州有龍鬪於樂清江中颶風大作所至有光如毬死者萬餘人 八月祥符縣西北有青白二龍見若相鬪之勢良久而散 二十三年正月廣西貴州江中有物登岸蛇首四足而青色長四尺許軍民聚觀而殺之 二十四年六月保德州有黃龍見於咸寧井中 二十七年六月皇太子寢殿新甃井成有龍自井而出光焰爍人宮人震懾仆於地又宮墻外長慶寺所掌成宗幹耳朶內大槐樹有龍纏擾其上良久飛去樹皮皆剝 七月益都臨朐縣有龍見於龍山巨石重千斤者浮空而起 二十八年十月大同路懷仁縣河岸崗有蛇大小相縮結可載數車

皇明

憲宗成化初唐縣於水村人自京至完縣玉山店見二猪戲溝中頃之入大石下隨率少年持挺移石視之時天大旱烟雲四起雷雨交作識者知其爲龍也自是每旱移石輒雨垂四十年後移之不驗或以爲龍移他處耳 五年六月初九日河決杏花營水及堤有龍卵見先是河水溢三司官具牲醴于河神俄而漁者於河濱拾一卵以獻衆觀之甚異以手撼之中汨汨作水聲其形大如人首下銳上員質青白微具五色又多黧黑點持之甚重氣煖而澤潤人不知其爲何祥有占者云江湖見龍卵主大水吳郡劉昌謂龍有胎禾聞卵生或曰蛇



亦卵生茲固其類歟 十四年間吳越大水淫雨不絕  
各處多出蛟出時其山中先有大火燒地及左右草木  
皆披靡成一徑既入水成驢形但不見足浮游江中而  
去 湖州郡丞藍偉鄧州人常道其令蜀邑時適郊有  
蛇當道驅之不去公曰必鳴冤也令人隨其所之至一  
野塘止即令剡去其水得隻磨有伏屍而不知誰氏偉  
令徧求村中磨合者果得焉蓋有商客其家相其橐重  
因殺之沉屍野塘而覆以磨讞得實罪死復移文招其  
子至以橐歸焉

魚異

宋彬州支邑村民圃地昔之達官故宅基其畔有池水泓

澄常見雙鯽比翼而嬉經數歲無他鱗民投網取之不  
可得後澤竭于泥內獲一銅盆中鑄兩魚形與向見者  
不異注水魚撥刺如前

龜異

遼太宗會同三年四月南塘進白龜  
皇明

世宗嘉靖四十一年御院龜生卵者五

豕異

元順帝至正三年秋建寧浦縣民家豕生豚二尾八足  
十二年江陰永寧鄉陸氏家一猪產十四兒內一豚人  
之首面手足而猪身 十五年鎮江民家豕生豚如象



形 二十四年保德州民家豕生豚一首二身八蹄二尾 又海鹽趙氏營室以居宰猪落成小腸皆已脩治忽併如蛇蜿蜒而走將及里許而止

犬異

宋寧遠縣民畜一犬一日跣足坐垂堂犬忽齧其履置諸門主訝而逐之復齧而前再逐復前既里許乃止及回顧則家已陷矣 咸溪童鏞家畜二犬一白一花共出一母性狡獪善知人意後白者雙盲弗能進牢而食主豕作窩卧於簷外花者日啣飯吐而飼之夜則卧于其旁白者既死主憐之埋于門前山麓間花者朝夕往埋所遶數匝若拜泣狀卧其旁少頃始返

元成宗元貞丙申秋大都南城武仲祥家有乳犬懷胎左脇下忽腫成瘡六七日後于瘡内生五子色皆青蒼每當春梁自頂至尾生逆毛一道他無所異又數日瘡亦平復

順帝至正二十二年八月上海縣金壽一家已闔雄狗生小狗八其一嘴爪紅如鮮血然牡物而生兒陽化陰也又犬厲火一嘴爪紅亦火也豈非主兵火者與

蟲異

宋永州通判廳軍員毛景得奇疾每語喉中輒有蟲作聲相應有道人令學誦本草藥名至藍而默然遂取藍搗汁飲之少頃嘔出肉塊長二寸餘人形悉具



續文獻通考 卷之三百二十四  
遼太宗會同四年七月有司奏神蠹虫有蜂窠成窠詔上  
之吉

金太宗天會三年七月錦州野蠶成繭以絲綿來獻詔賞  
其長吏

章宗明昌四年六月邢洛深冀及河北西路十六謀克之  
地野蠶成繭 承安元年六月平晉縣民利通家蠶自  
成錦段長七尺一寸五分濶四尺九寸詔賜絹十疋

元世祖至元中許州麥熟時有青蟲如蝨食麥人無可柰  
何忽生大華蟲盡嚼之 四年六月中都順天東平等  
處蠶皆災 七年東平大名等路桑蠶皆災 十一年  
諸路好妨等蟲災凡九所 十七年二月真定七郡桑

有蟲食之 二十二年真定廣平河間恩州大名濟南  
蠶災 二十三年五月廣平等路蠶災 十月興化路  
仙遊縣虫傷禾 二十九年滄州維州中山元氏無棣  
等縣桑蟲食葉蠶不成

成宗元貞元年真定中山靈壽二縣桑有蟲食之 五月  
隨州野蠶成繭數百里民取爲繒 大德五年四月彰  
德廣平真定順德大名等郡蟲食桑 七年五月濟寧  
等處蟲食桑 時仁宗在潛邸日奉答吉太后駐輦懷  
孟時苦群蛙亂鳴終日不寐翌旦太后命近侍傳旨諭  
之曰吾母子方憤憤蛙忽惱人耶自後其母再鳴故今  
此地雖有蛙而不作聲



武宗至大元年五月大名廣平真定三郡蟲食桑

泰定帝至和元年六月河南德安屯蠖食桑

文宗大曆二年春二月真定平山縣蟲食桑盡其葉而蟲

俱死 三月滄州高州及南皮塩山武城等縣桑蟲食

之如枯株魏縣有蟲食桑且盡蟲俱死 至順二年三

月真定路蟲食桑為災冠州蟲食桑四萬株晉冀深蠶

等州及鄆城延津二縣蟲夜食桑晝匿土中人莫捕之

五月曹州禹城保定博野東昌封丘等縣蟲食桑皆

盡 三年大名諸路有蟲食桑葉且盡

順帝至正初盧文壁尹荆山忽有一巨蛙登廳前兩目睜

視類有所訴者令卒尾之行去縣六七里有廢井遂跳

入不出既得報往集里社汲井獲屍乃日前二人同出

為商一人謀其財而殺之擒捕究問抵罪死者之家云

其在生不食蛙見則買放 三年六月梧州青蟲食稼

十年七月同州蟲食稼郡守石亨祖禱於玄妙觀寒

雨三日蟲盡死

蝗

宋寧宗嘉定元年徽郡飛蝗大起田野驚憂 七年六月

浙東西郡縣蝗 八年兩浙江東西路旱蝗 四月飛

蝗入畿縣自夏至秋蝗患不息諸道捕者以千萬石計

民爭捕官以粟易

理宗紹定三年福建蝗



遼聖宗統和三年九月東京平州旱蝗 咸雍三年南京旱蝗 九年七月南京奏歸義涑水縣蝗飛入宋境餘為蜂所食

道宗太原七年五月有司奏永清武清固安三縣蝗 大安四年八月有司奏宛平永清蝗為飛鳥所食 壽隆四年七月南京蝗時蕭文知易州屬縣議捕除之文曰蝗乃天災捕之何益但反躬自責于是蝗盡飛去遺者亦不食苗散在草莽間為鳥鵲所食

金熙宗皇統二年七月廣寧府蝗

海陵正隆三年六月蝗入京師 秋中都山東河東蝗

太宗天會二年曷懶移鹿古水霖雨害稼且為蝗所食

世宗大定三年二月中都以南八路蝗 四年八月中都

南八路蝗飛入京畿時完顏宗寧為歸德軍節度使督

民捕蝗得死蝗一斗給粟一斗數日捕絕 十六年五

月中都河北山東陝西河東遼東等十路旱蝗 二十

二年五月慶都蝗蝻生散漫十餘里一夕大風蝗皆不

見

章宗太和八年四月河南蝗遣使分路捕之 六月飛蝗

入京畿 七月詔頒捕蝗圖于中外

宣宗貞祐三年五月河南大蝗 四年五月陝西大蝗

七月飛蝗過京師 興定元年三月宮中有蝗 二年

四月河南諸郡蝗



哀宗正大三年四月旱蝗

元

世祖中統三年五月真定順天邢州蝗 八月濱棣州蝗

四年六月燕京河間益都真定東平蝗 至元元年

七月益都大蝗 十二月西京北京順德徐宿邳等州

郡蝗 三年東平濟南益都平灤洛磁順天中都河間

北京祿豐縣真定路蝗 四年山東河南北諸路蝗

五年六月東平等郡及真定蝗 六年六月河南河北

山東諸郡蝗 七年三月益都登萊蝗 七月南京河

南山東諸路蝗 八年六月上都中都大名河間益州

順天懷孟彰德濟南真定衛輝平陽歸德順德等路淄

萊洛磁等州蝗 十五年七月濮州蝗 十六年四月

大都十六路蝗 六月左右衛屯田蝗蝻生 十七年

五月沂州及漣海邳宿等州蝗 十八年順德九縣蝗

十九年四月別十八里部東三百餘里蝗害麥 夏

東平東阿陽穀等處大蝗 二十一年中衛屯田蝗

二十二年大都汴梁益都廬州河間濟寧歸德保定京

師大蝗害稼 二十五年七月真定汴梁蝗 八月趙

晉冀三州蝗 二十七年四月河北十七郡蝗 二十

九年六月東昌濟南般陽歸德等郡蝗 三十年九月

登州蝗 三十一年六月東安州蝗

按釋者謂蝗蟲有甲飛揚之類陽氣所生也恒陽則有



介蟲之孽於春夏爲螽今謂之蝗按劉歆云貪雀取民則螽與魚同占

成宗元貞元年六月汴梁陳留太康考城等縣睢許等州蝗 二年六月濟寧任城魚臺縣東平須城汶上縣開州長垣清豐縣德州濟河縣滑州太和州內黃縣蝗 八月平陽大名歸德真定等郡蝗 大德元年六月歸德順德邳州徐州蝗 二年四月江南山東兩淮江浙燕南屬縣百五十處蝗 三年五月淮安屬縣蝗有鶯食之 十月隴陝蝗 五年六月順德路淇州蝗 七月廣平真定等路蝗 八月河南淮南睢陳唐和等州新野汝陽江都興化等縣蝗 六年四月真定大名河

間等路蝗 七月大都涿順固安三州及濠州鐘離鎮江丹徒等縣蝗 七年五月益都濟南等路蝗 六月大都路蝗 八年四月益都臨朐德州齊河蝗 九年四月真定蝗 六月通泰靖海武清等州縣蝗 八月涿州良鄉河間南皮泗州天長等縣及東安海鹽等州蝗 十年四月大都真定河間保定河南郡蝗 六月龍興南康等郡蝗

武宗至大元年澶濮曹高唐等州蝗 五月晉寧路蝗 六月保定真定二郡蝗 八月淮東蝗 二年四月益都東平東昌順德廣平大名汴梁衛輝等郡蝗 六月檀霸曹濮高唐太安等州良鄉野城歷陽合肥大寧江



寧句容溧水上元等縣蝗 七月悉南濟寧般陽河中  
解絳耀同華等州蝗 八月真定但定河間懷孟等郡  
蝗 三年四月鹽山寧津堂邑茌平陽穀高唐禹城七  
縣蝗 七月磁州威州饒陽元氏平棘滏陽元城無棣  
等縣蝗

仁宗皇慶元年彰德安陽縣蝗 延祐七年六月益都路  
蝗

英宗至治元年五月霸州蝗 七月江都泰興古城通許  
臨淮盱眙清池等縣蝗 十二月寧海州蝗 二年汴  
梁祥符縣蝗有群鷺食之既而復吐積如丘垤冬十二  
月濟寧蝗 三年五月保定路歸信縣蝗 五年大名

蝗

泰定帝元年永興蝗 六月大都順德東昌衛輝保定益

都濟寧彰德真定般陽廣平大名河間東平等郡蝗

二年汴梁十五縣蝗 五月彰德路蝗 六月德濮曹

景等州歷城章丘淄州柳城茌城等縣蝗 九月濟南

歸德等郡蝗 三年六月東平須城縣興國永興縣蝗

七月大名順德廣平等路趙州曲陽蒲城慶都修武

等縣淮安高郵二郡睢泗雄霸等州蝗 八月永平汴

梁懷孟等郡蝗 四年五月洛陽縣有蝗五畝群鳥盡

食之越數日又集鳥又食之 六月畿內江南蝗 七

月籍田蝗 八月冠州蝗 十二月保定濟南衛輝濟



寧廬州五路南陽河南二府博野臨淄膠西縣蝗 致  
和元年四月大都薊州永平路石城縣鳳翔岐山縣蝗  
無麥苗 五月潁州及汲縣蝗 六月武功縣蝗

文宗天曆二年大名路諸州縣開滑諸州蝗 四月河南  
大寧與中州懷慶孟州廬州無為州蝗 六月益都莒  
密三州蝗 七月真定汴梁永平淮安廬州大寧遼陽  
等郡屬邑蝗 三年五月廣平大名般陽濟寧東平汴  
梁南陽河南等郡德濮開高唐等州蝗 至順元年六  
月真定灤薊固安博興等州蝗 七月解州華州及河  
內靈寶延津等二十二縣蝗 又永城蝗 二年三月  
陝州諸縣蝗 六月孟州濟源縣蝗 七月河內閩郭

陝縣奉元蒲城白水等縣蝗

順帝元統二年六月遼西蝗 至元二年七月黃州蝗  
三年六月懷孟隰州汴梁陽武縣蝗 五年七月膠州  
卽墨縣蝗 至正四年歸德府永城縣及亳州蝗 十  
二年六月大名蝗 十七年東昌荏平縣蝗 十八年

夏薊州遼州濰州昌邑縣膠州高密縣蝗 秋大都廣

平順德及濰州之北海莒州之蒙陰汴梁之陳留歸德  
之永城皆蝗順德九縣民食蝗廣平人相食 十九年

大都霸州通州真定彰德懷慶東昌衛輝河間之臨邑  
興州大同寧冀二郡文水榆次壽陽徐溝四縣沂汾二  
州孝義平遙介休三縣晉寧二州及壺關潞城襄垣三



縣霍州趙城靈石二縣隰州之永和沁之武鄉遼之榆  
杜奉元及汴梁之祥符原武鄆陵扶溝杞尉氏洧川七  
縣鄭之滎陽汜水許之長葛郟城襄城臨潁鈞之新鄭  
密縣皆蝗食禾稼草木且盡馬不能行坑塹皆盈饑民  
捕蝗以爲食或曝乾而積之又盡則人相食五月大蝗  
七月淮安清河縣飛蝗蔽天自西北來凡經七日禾  
稼俱盡 二十年益都臨朐壽光三縣鳳翔岐山縣蝗  
二十一年六月河南鞏縣蝗食稼俱盡 七月衛輝  
及汴梁滎澤縣鄭州蝗 二十二年秋衛輝及汴梁開  
封扶溝洧川三縣許州及鈞之新鄭密二縣蝗 二十  
五年鳳翔岐山縣蝗 績溪縣有蝗自西北蔽空而至

螟

蝻

蝻

蝻

宋寧宗嘉定十四年金華衢州寧波台州温州有蝻賊  
十六年秋永州道州螟

金章宗明昌三年秋綏德好坊蝻生

宣宗貞元四年五月鳳翔扶風岐山郿縣蝻虫傷麥

元世祖至元八年六月遼州和順縣解州聞喜縣好坊生

十八年高唐夏津武城縣蝻害稼 二十三年五月

霸州滹州蝻 二十四年鞏昌好坊爲災 二十七年

四月婺州螟害稼雷雨大作螟盡死是年大有

按漢志云温而風則生螟蝻有螺蟲之孽

成宗元貞元年六月利州龍山縣益州明山縣螟 大德



九年七月桂陽郡蜾

武宗至大元年五月東平東昌益都等郡蜾

仁宗皇慶二年五月檀州及獲鹿縣蝻 延祐二年處州

螟 七年七月霸州及堂邑縣蝻

泰定帝二年處州螟 四年七月奉元路咸陽興平武功

三縣鳳翔府岐山等縣蚳蚘害稼

文宗天曆二年淮安廬州安豐三路屬邑螟

順帝至正十年處州螟 十六年處州螟 十九年濟南

章丘鄒平三縣蝻五穀不登 二十二年春衛輝路螟

六月膠水縣蚳蚘生 七月掖縣蚳蚘生害稼 二

十三年六月寧海文登縣蚳蚘生 七月萊州招遠萊

陽二縣及登州寧海州蚳蚘生

皇明

英宗正統元年丙辰夏四月河北旱蝗 八年五月畿內

旱蝗

憲宗成化三年七月巡撫王恕奏開封彰德衛輝地方蝗

蝻傷稼 九月河間府蝗

世宗嘉靖八年陝西僉事齊之鸞言河南光息蔡頴諸處

及陝西陝關潼關蝗食禾穗殆盡 上下其章于部

鼠妖

元世祖至元二十二年六月馬湖田鼠食稼殆盡總管祠

而祝之鼠悉赴水死



續文獻通考 卷之二百二十四  
順帝至正十五年湖廣群鼠數十萬越洞庭湖望四川而  
去 二十年八月慶遠延安寧安等州野鼠食稼初由  
鷄卵化生既成牝牡生育日滋百畝之田一夕俱盡  
二十六年泗州潁淮兩岸有灰色黑鼠暮夜出穴成群  
覆地食禾

皇明

武宗正德初黃州師巫竇均在飛喪崖見一鼠盤旋道上  
忽入地穴其下得一鈕銅印上篆扶鸞王印用署符呪  
能呼風雷後損而不驗

世宗嘉靖中臨江李鰲投徒湖口所居卑隘而旁有樓崇  
敞然封鑰甚固請居之主人曰中有怪物常魘人死鰲

曰邪不勝正安有是理因徙居其中一日外出留一冠  
者攝課讀夜分忽一神至貌甚猙獰戴金幘頭絳袍象  
簡髯垂至腹冠者懼不敢仰視次日鰲歸言狀鰲曰貴  
神福人此貧士之資何懼後果再至袍笏端凝如前顧  
鰲作怒鰲趨而進自陳且有祈請神不對但吹鰲左耳  
耳卽聾鰲怒知不免舉向所備防身大槌盡力一擊中  
胸有聲啾然遁去遲明報王來索怪踪跡至北廊垣曲  
有大穴一鼠如斗作赤色髯長尺餘稱之重七觔胸有  
凝血以中其要害故僅能入穴死王元禎記



續文獻通考卷之二百二十四終

續文獻通考卷之二百二十四終

續文獻通考卷之二百二十五

皇明進士雲間王圻纂輯

輿地考 北直隸 山東

北直隸古冀州之域

遼太祖以迭刺部之衆代遙輦氏起臨潢建皇都東併渤

海凡城邑之居百有三太宗立晉歸涿檀蘇順營平蔚

朔雲應新媯儒武寰十六州於是割古幽并營之地而

跨有之遂以皇都爲上京升幽州爲南京改南京爲東

京厥後聖宗城中京興宗升雲州爲西京而五京脩焉

又以征伐俘戶建州襟要之地多因舊居名之加以私

奴置頭下軍總京五府六州軍城百五十有六縣二百



有九部族五十有二屬國六十東至於海西至金山暨於流沙北至臚胸河南至白溝幅圓殆萬里云

金之壤地東極吉里迷兀的改諸野人之境北自蒲與路

之北三十餘里火魯火曠謀克地為邊右旋入赤州婆

盧火所壕而西經臨潢金山跨慶桓撫昌淨州之地出

天山外包東勝接西夏逾黃河復西歷葭州及米脂塞

出臨洮府會州積石之外與生羗地相錯復自積石諸

山之南左折而東逾兆州越監州堡循渭至大散關北

並入山京兆路南以唐鄧西南皆四十里取淮之

中流為界而與宋為表裏襲遼制建五京置十四總管

府是為十九路其間散九節鎮三十六防禦郡二十二

刺史郡七十三軍十州六縣六百三十二後復升軍為

州或十一城寨堡關百二十二鎮四百八十八此其可

考也

元起朔漠併西域平西夏滅女直臣高麗定南詔遂下江

南而天下為一故其地北踰陰山西極流沙東盡遼左

南越嶺表蓋漢東西九千三百二里南北一萬三千三

百六十八里唐宋東西九千五百一十一里南北一萬

六千九百一十八里元東西所至不下漢唐而西北則

過之有難以里數限者立中書省一行中書省十有一

曰嶺北曰遼陽曰河南曰陝西曰四川曰甘肅曰雲南

曰浙江曰江西曰湖廣曰征東分鎮藩服路一百八十



五府三十六州三百五十九軍四安撫司十五縣一千一百二十七漢唐極盛之際有不及焉唐以前以郡領縣而元則有路府州縣四等大率以路領州州領縣而腹裏或有以路領府府領州州領縣者其府與州又有不隸路而直隸省者至以戶為差戶至四萬五萬者為下州五萬至十萬者為中州下州官五員中州六員凡為中州者二十八下州者十五其中書省統山東山西河北之地謂之腹裏為路二十九州八屬府三屬州九十一屬縣三百四十六

皇明洪武初設北平布政使司為太宗文皇帝龍潛之地靖難後革北平布政使司建為北京而定都焉統順

天永平保定河間真定順德廣平大名八府通州昌平涿州霸州薊州灤州祁州安州易州景州滄州定州冀州晉州趙州深州開州延慶保安一十九州與大興等縣一百二十六而順天府則為京兆郡至嘉靖二十九年以易州昌平州通州為三輔各設經畧使

大都路唐幽州范陽郡石晉割以獻遼會同五年升為南京府曰幽都仍號盧龍軍開太元年更為永安析津府以幽州當析木津也領順檀涿易蘇景六州析津宛平昌平良鄉潞安次永清武清香河玉河灤陰十一縣順州領懷柔檀州領密雲行唐涿州領范陽新城固安歸義易州領易涑水容城薊州領漁陽三河玉田景州



領遵化又共十四縣宋名燕山暫得而失金天會元年  
析河北為東西路時屬河北東路元貞元年定都以燕  
乃列國之名不當為京師號遂改為中都統府一節鎮  
三刺史郡九縣四十九其大興府初為析津府後改名  
大興府領大興宛平安次灤陰永清寶坻香河昌平武  
清良鄉十縣廣陽一鎮元太祖十年克燕初為燕京路  
總管大興府世祖至元元年中書省臣言開平府闕庭  
所在加號上都燕京分立省部亦乞正名遂改中都九  
年改大都十九年置留守司二十一年置大都路總管  
府領院二縣六州十州領十六縣 本朝洪武初改為  
北平府永樂初改為順天府領通州涿州霸州昌平薊

州五州宛平大興固安東安香河武清寶坻三河密雲  
永清懷柔房山文安保定大城良鄉豐潤玉田平谷遵  
化灤縣順義二十二縣

**大興**唐為薊縣析津縣金改大宛平唐析薊縣西界

**宛平**唐析薊縣西界

**永清**本朝因之

**寶坻**本朝因之

**香河**本朝因之

**昌平**本朝因之

**涿州**本朝因之

**霸州**本朝因之



後改為奉先縣元改霸州遼為益津幽州周始置霸州

房山本朝因之宋升永清郡金置信安軍貞元二年改屬上都領益

津文安大城信安四縣元仍為霸州領四縣本朝

以益津縣省入領文安益津唐改益津關為永清縣金

安大城保定三縣文安益津大定中以霸州治益津縣

元中統年省至元文安下唐廢豐利縣移文安縣於

年復置餘見上其城屬霸州宋省永清縣入

焉金元仍舊大城下唐仍舊為平野縣屬霸州宋金元仍舊

本朝因之唐為路縣金天德中改通州取漕運通濟

因之通州之義有豐備通濟太倉以供京師興定中

升為防禦屬中京路領二縣元因之本朝潞縣置

以路縣省入領三河武清寶坻四縣本朝

遼州尋復為路縣五代及三河下唐析潞州地置屬

遼皆因之金元通州治及三河幽州以地近七渡臨

洵三水名也後隸薊州遼仍薊州下唐置宋為廣川

舊金元屬通州本朝因之薊州郡遼置上武軍領

漁陽三河王田三縣金為中都領漁陽遵化豐潤王

田平谷五縣石門韓城二鎮元太祖十年定其地仍

為薊州本朝因之領王漁陽遼古縣名唐宋豐潤本

田遵化豐潤平谷四縣王漁陽遼金元仍舊豐潤本

王田縣之永濟務金升為豐潤縣隸廣州王田下唐

軍元省入王田縣後復置本朝因之

終縣屬幽州後改王田因陽雍種石得王也神龍

初屬營州後還屬幽州又改屬薊州宋為薊遼金元

仍舊本遵化下唐置馬監及鉄冶於右北平之境

朝因之安軍號灤川郡全以縣屬平谷下唐為漁陽縣之大

薊州元因之本朝不改平谷王鎮金升為縣元初

併入漁陽後復置為遼縣遼大平中以邠陰村置縣

薊州本朝因之遼縣屬大興府元初因之至元

中并州割大興之香河武清二邑來香河本武清縣

屬領二縣本朝改為縣屬通州

倉置榷鹽場因居民聚集而置香河縣屬析津府金

屬大興府元初因之後屬薊州本朝改屬順天府

武清下唐天寶初改雍奴縣為武清五代宋遼金皆

通順義下唐初改燕州後為歸德郡復為順州遼為

州領溫陽密雲二縣元廢縣存州本朝洪州改唐

武初改為順義縣屬北平府後改屬昌平州檀州改

密雲郡又復為檀州遼為武威軍統密雲密雲檀州

行唐二縣宋為橫山軍仍為檀州元因之密雲檀州

七百里京

七百里京

七百里京

七百里京

七百里京

七百里京

七百里京

七百里京

七百里京



本朝廢州以密雲縣隸東安下唐以前為安次縣遼

北平府後改屬昌平州東安

為東安州隸大都路本朝洪

武初改為東安屬順天府

隸涿水郡遼金隸涿川元憲宗時隸霸州又改隸大

興府中統中外固安州本朝洪武中改為固安縣

屬順天府保定改涿州新鎮地宋景德初建保定軍宣和中

延慶州下唐為媯川縣金為晉山縣元至元三年省入

都升晉山為龍慶州領懷來一縣本朝初州縣俱廢

永樂十一年復置州改為隆慶直隸京師隆慶元年改

為延慶領永寧一縣

上都路唐為奚契丹地金平遼置恒州元初為札刺

五年以開庭所在加號上都領院

一府一州四府領縣三州領縣六

永寧本遼縉山縣地金元因之

開平本遼縉山縣地金元因之

至元初曰東陽古城置縣治團山下

縣尋省入興川後復置

順寧府唐為武州遼為德州領宣德一縣金為宣德州

元初為宣寧府太宗七年改山東路總管府中統四年

改宣德府隸上都路至元三年以地震改順寧府領三

縣二州 本朝洪武四年州縣俱廢二十六年置萬全

都指揮使司在宣府領衛十五守禦千戶所三堡五隸

口北道其蔚州延慶左永寧保安四衛廣昌美峪二千

宣德遼因舊名至元二十一年省本府之錄事司并龍

宣平本朝改置萬全左衛

保安州本唐新州石晉獻遼改奉聖州武定軍領歸化

州雄武軍領文德一縣可汗州清平軍領懷來一縣儒

州縉陽軍領縉山一縣蔚州忠順軍領仙靈定安飛狐

靈丘廣陵五縣金大安元年并為府名德興領德興



興縉山懷來磐山四縣至元二年省磐山入永興三年  
省縉山入懷來仍改為奉聖州隸宣德府五年復置縉  
山延祐三年以縉山懷來隸大都至元三年以地震改  
永安州領一縣本朝初州縣俱廢永樂中復置保安  
州直隸京師  
治雷家站

蔚州石晉改為安邊郡又改為興唐縣已改為蔚州  
為蔚州元至元二年省州為靈縣隸弘州其年復改  
為蔚州宣德府領五縣本朝洪武四年改屬大同

蔚州遼因之金置蔚州本朝因之  
復為靈丘屬蔚州本朝因之

蔚州遼因之金置蔚州本朝因之  
復為靈丘屬蔚州本朝因之

蔚州遼因之金置蔚州本朝因之  
復為靈丘屬蔚州本朝因之

蔚州遼因之金置蔚州本朝因之  
復為靈丘屬蔚州本朝因之

蔚州遼因之金置蔚州本朝因之  
復為靈丘屬蔚州本朝因之

蔚州遼因之金置蔚州本朝因之  
復為靈丘屬蔚州本朝因之

蔚州遼因之金置蔚州本朝因之  
復為靈丘屬蔚州本朝因之

興州唐為奚地遼為北安州興化軍興化縣金初為  
興州興化郡隸北京承安五年升為興州軍節度軍  
名字朔改利民寨為利民縣撥寧河徒門必罕寧  
江速馬刺三猛安隸馬貞祐二年僑置於密縣領興

興化至元二年置  
本興化縣白檀鎮金

松州本松林南境遼置松山州隸上京臨潢府金為  
松州松山縣隸北京大定府路元中統三年升為松

州仍為縣元二  
年省縣入州

桓州本上谷郡地金置桓州威遠軍節度使軍兵隸  
桓州西北路招討司明昌七年改置刺史領清塞一

縣元初廢縣存州  
至元二年復置

雲州下古望雲州地遼景宗潛邸即位後置望雲縣  
隸奉聖州金因之元中統四年升縣為雲州治

望雲至元二年州存縣廢二十八年復升宣德之龍  
門鎮為望雲縣本朝初置雲州驛宣德五年改置

雲州  
堡

隆興路唐屬新州地遼秦國大長公主建為州金明昌  
三年復置刺史升撫州為桓州支郡治柔遠鎮

屬西京明昌四年置司候司承安二年陞為節鎮軍  
各鎮寧撥西北路招討司所管四猛安隸之領柔遠



集寧豐利威寧四縣元中統三年以郡為內輔升隆興路總管府建行宮領縣四州一本朝以其地同

順寧府地俱析置萬全都指

高原金中統二年隸宣德府三年來屬懷安下元初隸宣德府中統三年來屬威寧遼承安二年

置懷安衛天成元初隸宣德府三年來屬

鎮置元初隸宣德府中統三年來屬

宣府左衛 宣府右衛 宣府前衛俱附郭本朝洪武

十六年萬全左衛在宣

萬全右衛本朝洪武二十六年

保安右衛本朝永樂十五年以天策衛為保安右衛

懷來衛本朝洪武二十六年改為懷來縣元因之本朝洪武初廢縣置守禦千戶

武初廢縣置守禦千戶

延慶右衛在懷來衛城內本朝宣德五年移建於此

開平衛在宣府城東北三百里築城移建此

龍門衛金屬宣德州元省入宣德縣

興和守禦千戶所附郭本朝永樂元年建

龍門守禦千戶所本元雲州地本朝宣德六年建

長安守禦千戶所

雲州守禦千戶所

長安嶺堡元為懷來龍門二縣界本朝初置

雕鷲堡本元雲州之雕窠本朝初置

赤城堡本元雲州之赤城本朝初置

馬營堡本元雲州大嶺本朝初置



四海冶堡 本朝置

寶昌州 下金置昌州元初隸宣德府中統三年隸本路置監使司延祐六年改寶昌州

永平路唐為平州遼為盧龍軍又改興化軍領盧龍安

喜望都三縣金天輔七年以燕西地與宋遂以平州為

南京天會四年復為平州興平軍領盧龍撫寧海山遷

安昌黎五縣元太祖十年改興平府中統元年升平灤

路置總管府設錄事司大德四年以水患改永平路領

縣四州一州領二縣 本朝洪武二年改為永平府屬

北平布政司永樂中直隸京師領灤州一州遷安撫寧

昌黎盧龍樂亭五縣

盧龍 唐為盧龍縣遼金元仍舊 本朝因之 遷安 下至元中省入盧龍縣後復置 本朝因

之撫寧 下遼初置新安鎮屬平州金陞撫寧縣 昌黎 金為廣寧縣大定間改昌黎元省入海

灤州 下在盧龍塞南隋唐為兆平平州之境五代時

金天輔七年置節度使領義豐馬城石城樂亭四

縣榛子新橋二鎮元至元二年以石成省入樂亭四

年馬城亦省入領義豐樂亭二縣 本朝洪武二年

以義豐省入領樂亭一縣 本朝因之

德寧路 下領一縣 德寧 下

淨州路 下領一縣 天山 下金大定十八年以天山縣升為豐州支郡刺史兼權機察戶

五千九百三十八

泰寧路 下領一縣 泰寧 下

集寧路 下領一縣 集寧 下



應昌路 下領一縣 應昌 下

全寧路 下領一縣 全寧 下

寧昌路 下領一縣 寧昌 下

砂井總管府 一領縣 砂井

以上七路一府八縣皆金元置 本朝無考

保定路本清苑縣唐隸鄭州宋升保州金天會七年改

順天軍隸河北東路貞祐二年改屬中都海陵賜名清

苑滿城二縣元太宗十一年升順天路置總管府至元

十二年改保定路設錄事司領司一縣八州七州領十

一縣 本朝洪武元年改為保定府初屬北平布政司

後直隸京師領初安易三州清苑唐安肅定興博野慶

都雄蠡新城深澤束鹿高陽涑水滿城容城完新安一

十七縣

清苑 中倚郭以境內有清苑河故名唐屬莫州五代

滿城 唐改永樂縣為滿城縣金元復名清苑 本朝因之

梁改中山縣石晉改博陵漢復為唐縣 慶都 唐屬北

定州宋屬武定軍金改慶都縣屬中山府 行唐 唐置

縣又改章武後魏名行唐屬桓州朱梁改彰武石晉

改永昌尋復舊宋金俱屬真定元屬保定 本朝復

屬真曲陽之元初改恒州尋復為曲陽縣隸保定路

本朝改屬新安縣俱廢改為新安鎮入歸信縣四年

割入容地九年置新安博野 本漢涿郡蠡吾縣地唐



易州 中唐改上谷郡復為易州遼統和九年升高陽

領易涑水二縣元太宗十一年還隸保定二縣

年隸大都路二十三年還隸保定二縣

以易縣省入州 易縣 元初廢至元

復置金元仍舊 定興 置下本隋范陽縣地金大定中始

屬保 本朝因之 涑水 唐屬易州宋

初州 唐為義豐縣屬定州宋改為蒲陰縣金於縣置

年立附郭蒲陰縣及以東鹿深澤二縣來屬隸保定

領三縣 本朝以蒲陰省入州領深澤東鹿二縣

蒲陰 沿革 深澤 下唐因隋舊屬定州宋熙寧中省入

尋復置屬初州 宋 鹿 唐初屬深州天寶初改鹿城為

尋復置屬初州 本朝因之 鹿 東鹿縣宋金仍舊元省入深澤

雄州 下唐歸義縣五代為瓦橋關周世宗克三關置

雄州 宋置歸信縣政和中號州為易陽郡金陞

以歸信縣省入改為推縣緡戶一十七里 本朝 歸信

唐初置北州後州廢復置歸 容城 下唐改全忠縣後

義縣宋改歸信金元因之 容城 廢宋初復置屬雄

州遼屬易州金改屬安肅州元 新城 唐以督亢地置

仍屬雄州 本朝改屬保定府 新城 新城縣屬涿州

五代遼金因之元改新秦州已復 安州 下唐為唐興縣隸鄭州宋并順安軍金天會中

為縣隸雄州 本朝改屬保定府 安州 改安州隸河北東路後治渥城縣大定中移治

葛誠 因并葛誠為縣作倚郭泰和四年改混泥城為

渥誠縣來屬八年移州治于渥城為屬縣領渥城葛

誠高陽三縣元至元中廢為鎮入高陽縣後復改安

誠州隸保定領二縣 本朝洪武七年降為縣以葛

高陽新入十四年復為州 領 葛誠 本漢高陽縣之葛城

置葛誠元為 安州 附郭 高陽 誠 本漢高陽縣之葛城

高陽 下唐初以縣置蒲州貞觀初州罷

安州 元仍舊 本朝 高陽 誠 本漢高陽縣之葛城



遂州

唐為遂城縣屬易州宋改唐信軍泰和中廢為

復置州

而廢縣隸保定

安肅州

本易州有戎鎮地宋創立盡軍又改安肅

天德中

改為安肅州大定後降為刺郡領安肅一縣

元時

縣廢州存本朝洪武二年改州為縣屬保定

完州

唐為北平縣隸定州宋升北平軍金更永平縣

朝洪武

二年改為完縣屬保定府

真定路唐恒山郡又改鎮州宋為真定府金為鎮州成

德軍節度正隆間仍改府置本路兵馬都總管府轉運

司領真定藁城平山灤城獲鹿行唐阜平靈壽元氏九

縣元初置總管府領中山府趙邢洛磁滑相濬衛祈威

完土州後割磁威隸廣平濬滑隸大名初完隸保定又

以邢入順德洛入廣平相入彰德衛入衛輝又以冀深

晉蠶四州來屬縣九府一州五府領三縣州領十八縣

本朝改為真定府直隸京師領定冀晉趙深五州真

定獲鹿元氏灤城靈壽藁城無極阜平井陘平山新樂

行唐曲陽南宮棗強新河武邑武強安平饒陽栢鄉高

邑寧晉臨城隆平贊皇衡水二十七縣

真定

中倚郭唐改真定為中山後復舊名為鎮州治

藁城

中唐置藁州省栢鄉新豐宜安三縣入藁城貞

真定府

元初為永安州無極寧晉樂平平棘四縣

隸馬

七年廢州為藁城縣屬真定本朝因之



屬趙州五代宋金元皆獲鹿中唐改鹿泉縣為獲鹿

隸真定本朝因之入金升鎮寧州元太宗在潞即改西寧州既平山初

置岳州尋廢州以縣屬恒州天寶中靈壽下唐屬并

改平山縣宋金元仍舊本朝因之鎮州後改屬

鎮州宋省入行唐尋復置屬真

定府金元仍舊本朝因之

改北鎮明昌中升阜平涉縣唐隸路州宋仍舊元初

廢復置涉縣至元中省入磁州

後復來屬本朝改隸磁州

定州唐定州宋為中山郡金天會七年降為定州

樂無極永平慶都曲陽行唐七縣龍前軍城二鎮元

初亦為中山府舊領祈完二州太宗十一年割二州

隸保定府後為散府隸真定領三縣本朝行唐中

改為定州以安喜省入領新樂行唐曲陽三縣

曲陽二縣俱見新樂屬定州宋金元皆仍舊本朝

因無極本漢毋極縣唐武后改毋作無宋金

趙州中宋為慶源軍金天會七年改趙州大德三年

晉栢鄉隆平七縣奉城一鎮元仍為趙州舊領平棘

臨城漆城元氏高邑贊皇寧晉隆平栢鄉九縣太祖

棘縣省入領栢鄉高邑寧晉臨城隆平贊皇六縣平

棘全宋元皆為州治此寧晉唐改慶陶為寧晉宋金元

隆平下唐為象城縣尋又改昭慶縣宋改隆平尋省

之臨城唐改房子為臨城縣屬趙州栢鄉唐為栢鄉

後改屬趙州宋省為鎮後復置縣高邑下唐屬趙州

賣文獻通考卷之二百三十九



宮棗強新河信都唐乾元時以冀治信都縣元初與武邑四縣入冀州冀州錄事俱省入冀州後復置三年省錄事司入南宮上唐仍舊宋省唐陽新河棗

疆中其地棗木強盛故名唐仍舊宋省唐陽新河棗

置武邑縣唐及宋金新河縣中唐因隋舊宋省入南宮元皆仍舊本朝因之

深州下唐改饒陽郡後仍為深州金初為刺郡領靜

河間置帥府太宗十年隸真定路亦領饒陽安平武

疆東鹿靜安五縣後割安平饒陽武疆隸晉州東鹿

隸祁州以冀州之衡水來屬領二縣靜安舊名下博

本朝以靜安縣省入領衡水一縣

宋時改曰靜御水下隋分析信都武邑下博置衡水

安金元仍舊御水縣屬信都郡唐宋金元皆仍舊

本朝因之

晉州唐末皆為鼓城縣金興定四年以壽陽縣西張

寨置晉州元太宗十年立鼓城等處軍民萬戶

所中統二年復為晉州領四縣本朝因鼓城隋置

之以鼓城縣省入領武疆饒陽安平二縣

尋改鼓城縣唐屬定州後屬恒饒陽下唐為深州治

州金宋俱屬祁州元屬晉州

屬深州元改屬晉安平下元初為南平州中統二年

州本朝因之

朝因武疆下宋金俱屬深州元改

之

蠡州唐始置宋改永安金天會中升為寧州博野郡

元初隸真定領司博野縣至元三年省司縣入

蠡州十七年直隸省部二十一年仍屬真定本朝

順德路下唐邢州宋為信德府金天會七年復改邢州

仍置安國軍節度領邢臺唐山內丘平鄉任縣沙河南

和鉅鹿八縣道武新店棊村團城四鎮元初置元帥府

後改安撫司憲宗分洛水民戶之半於武道鎮置司總



管五年以武道鎮置廣宗縣併以來屬中統三年升順

德府至元元年以洛州磁州來屬二年洛磁自為一路

以順德為順德路總管府領縣九 本朝洪武初改為

順德府屬北平布政司後直隸京師領邢臺南和內丘

平鄉廣宗沙河唐山鉅鹿任縣九縣

**邢臺** 上倚郭唐因隋為龍岡縣宋改鉅鹿中唐置起

屬趙州後屬邢州宋金仍舊本朝因之 **內丘** 中唐宋金仍舊屬

元屬順德路本朝因之 **平鄉** 中唐初置封州州廢

併唐山入焉後復置唐山 **廣宗** 中唐置宗州州廢以縣

與內丘並本朝因之 **沙河** 屬邢州宋金仍舊元至元中省

復置隸順德路 **唐山** 屬邢州宋金仍舊元至元中省

鹿尋復置金仍舊元屬 **南和** 下唐初置和州州廢

順德路本朝因之 **邢州** 屬邢州後改廣宗縣屬

魏州宋屬大名府金改宗城縣屬洛州元憲宗時復

為廣宗縣中統屬順德府至元中省入平鄉縣後

復置隸順德路 **任縣** 屬邢州宋金仍舊元至元中省

省入沙河縣尋復 **邢州** 屬邢州元又省入內丘

置本朝因之 **南和** 下唐初置和州州廢

南和縣入焉後復置南和 **邢州** 屬邢州元又省入內丘

與沙河並本朝因之 **任縣** 屬邢州宋金仍舊元至元中省

省入沙河縣尋復 **廣平** 屬邢州元又省入內丘

置本朝因之 **廣平** 屬邢州元又省入內丘

金改唐山屬邢州元又省入內丘 **廣平** 屬邢州元又省入內丘

尋復置屬順德路本朝因之 **廣平** 屬邢州元又省入內丘

防禦使領永年廣平宗城新安成安肥鄉鷄澤曲周洛

水八縣臨洛新安平恩白家灘四鎮元太宗八年置邢

洛路總管府以邢磁威隸之憲宗二年為洛磁路止領

磁威二州至元十五年升廣平路總管府領司一縣五

州二州領六縣 本朝洪武初改為廣平府屬北平布

政司後直隸 京師領永年曲周肥鄉成安邯鄲廣平

廣平路下唐洛州又為廣平郡金天會七年以守邊置

防禦使領永年廣平宗城新安成安肥鄉鷄澤曲周洛

水八縣臨洛新安平恩白家灘四鎮元太宗八年置邢

洛路總管府以邢磁威隸之憲宗二年為洛磁路止領

磁威二州至元十五年升廣平路總管府領司一縣五

州二州領六縣 本朝洪武初改為廣平府屬北平布

政司後直隸 京師領永年曲周肥鄉成安邯鄲廣平

廣平路下唐洛州又為廣平郡金天會七年以守邊置

防禦使領永年廣平宗城新安成安肥鄉鷄澤曲周洛

水八縣臨洛新安平恩白家灘四鎮元太宗八年置邢

洛路總管府以邢磁威隸之憲宗二年為洛磁路止領

磁威二州至元十五年升廣平路總管府領司一縣五

州二州領六縣 本朝洪武初改為廣平府屬北平布

政司後直隸 京師領永年曲周肥鄉成安邯鄲廣平

廣平路下唐洛州又為廣平郡金天會七年以守邊置

防禦使領永年廣平宗城新安成安肥鄉鷄澤曲周洛

水八縣臨洛新安平恩白家灘四鎮元太宗八年置邢



雞澤威縣清河九縣

**和年** 中倚郭唐屬洛州宋以臨洛  
縣省入元仍舊本朝因之

省入雞澤縣尋復置金以平  
恩縣省入元仍舊本朝因之

本朝之 **鷄澤** 元初併入永年尋復置  
因之 **肥鄉** 唐省清漳縣入  
本朝因之

**平** 下唐時屬魏州宋屬洛州金以  
魏縣併入元仍舊本朝因之

**磁州** 中唐磁州宋屬滏陽郡金置滏陽郡軍隸彰德  
領滏陽武安邯鄲三縣元太祖十年升為滏源

軍節度隸真定路憲宗二年隸洛磁路至元二年以  
真定之涉縣及成安縣併入滏陽武安縣併入邯鄲

止以滏陽邯鄲二縣及錄事來屬後復置涉縣歸真  
定以滏陽武安邯鄲成安錄事隸至元三年併錄事

司入滏陽縣至元十五年改洛磁路為廣平路總管  
府磁州仍隸馬領四縣本朝併入滏陽縣省入改

屬彰德府領 **滏陽** 沿革 **武安** 中元初省入邯鄲尋  
武安一縣 **復置** 本朝因之

**單** 下唐初置屬洛州後改屬磁州宋金 **成安** 下唐  
元俱仍舊本朝又改屬廣平府

州尋改屬相州又改屬洛州宋金因之元省 **威州** 中  
入滏縣尋復置屬磁州本朝改屬廣平府

無金天會二年以井陘縣升陘山郡軍後為刺郡領井  
陘一縣元太宗六年割隸邢洛路以洛水縣來屬憲

宗隸洛磁路徙州郡於洛水領縣二 **洛水** 唐以洛水  
本朝洪武初降為威縣屬廣平府

周縣宋復置尋廢元太宗復置隸洛州定 **井陘** 下唐  
宗改隸威州憲亦二年徙威州治于此

井州尋省宋於 **真定** 置天威軍金改為威州元置井陘  
縣移威州治於洛水以井陘隸廣平路本朝改隸

河間路上唐瀛州宋河間府金析河北為東西路各置

木路兵馬都總管府以河間府為河北東路統節鎮二

朝郡五縣三十鎮三十五領河間肅寧二縣元至元二

年置河間路總管府領司一縣六州領十七縣本朝

洪武初改河間府屬北平布政司後改隸京師領景滄

六四十七



二州河間獻阜城肅寧任丘交河青縣興濟靜海寧津

吳橋東光故城南皮鹽山慶雲一十六縣

**河間** 後魏置河間縣唐宋元 肅寧 元至元中廢為鎮

本朝因之 齊東 下元憲宗三年隸濟南路至元二年 寧津

因之 臨邑 本朝改屬濟南路至元二年 本朝改

下元初屬濟南路至元二年 本朝改屬濟南路至元二年

年隸河間 本朝因之 本朝改屬濟南路至元二年

屬濟南路至元二年 本朝改屬濟南路至元二年

南府 青城 本朝改屬濟南路至元二年

置屬濟南路至元二年 本朝改屬濟南路至元二年

二縣十四年又 東光 唐屬濟南路至元二年

滄州 中唐為滄州金升橫海軍節度領清池無棣鹽

山南皮樂陵五縣元復為滄州亦領五縣本朝

因之以青池縣省入州 清池 宋省長蘆入清

領慶雲鹽山南皮三縣 南皮 唐屬景州五

初省慶雲縣入屬濟南路後屬滄州 本朝改屬滄州宋

州 本朝改屬濟南路後屬滄州 本朝改屬滄州宋

金元仍舊 無棣 下元併入樂陵屬濟南路之棣

本朝因之 本朝改屬濟南路之棣 鹽山 唐

武德間置東鹽州貞觀初罷屬 慶雲 陽信縣地元屬

滄州宋金元仍舊 本朝因之 本朝改屬濟南路之棣

**景州** 唐改景州宋改永靜軍金仍為景州大安間避

章宗諱改觀州領東光阜城將陵吳橋舊屬

津六縣元至元中復為景州領五縣 本朝改屬滄州

朝以舊縣省入領東光故城吳橋三縣 本朝改屬滄州

元初升元州後 故城 中元至元二年并為故城鎮屬

復為舊縣 本朝改屬滄州 本朝改屬滄州宋

因之 阜城 唐宋名洪阜宋省入東光後復置名阜城屬

七年改屬 吳橋 下金於將陵縣之吳川置吳橋

河間府 本朝改屬滄州 本朝改屬滄州宋

**清州** 下宋置乾寧軍大觀開以河清改清州金復為

乾寧郡領會川與濟靖海三縣元改清州府領

三縣 本朝改屬滄州 本朝改屬滄州宋

改屬青縣屬河間府 會川 本朝改屬滄州宋

海縣金屬清州元仍舊 本朝改屬滄州宋

洪武初改靖為靜屬河間府 興濟 宋范橋鎮地大

屬滄州大定時改屬清 寧津 本保安鎮金置寧津縣

州元仍舊 本朝因之 本朝改屬滄州宋

至元初改屬河間 本朝因之 本朝改屬滄州宋

府 本朝因之 本朝改屬滄州宋

本朝因之 本朝改屬滄州宋

本朝因之 本朝改屬滄州宋

本朝因之 本朝改屬滄州宋

本朝因之 本朝改屬滄州宋

本朝因之 本朝改屬滄州宋

本朝因之 本朝改屬滄州宋

本朝因之 本朝改屬滄州宋



獻州

下隋為樂善縣金天會中改屬壽州天德中改屬州領樂善交河二縣元至元二年以州併入

樂壽

直隸河間路未幾復舊亦領樂壽元附交河金

莫州

下唐置鄭州尋改為莫宋為文安莫州元附交河金

任丘

下唐置鄭州尋改為莫宋為文安任丘元附交河金

莫亭

下唐置鄭州尋改為莫宋為文安莫亭元附交河金

大名

路中唐魏州五代南漢改大名府宋為北京魏郡

金改安武軍府

一統刺郡三縣二十鎮二十正隆二年

升大名為總管府

附近十二猛安皆隸焉燕漕河事領

元城大名魏冠氏

南樂館陶夏津朝城清平莘十縣安

定安賢魏縣

普通清水博寧桑橋南樂館陶孫生韓張

清平馬橋十三鎮元因舊名為大名路總管府領司一

縣五州二州領六縣本朝洪武初改為大名府屬北

平布政司永樂初直隸京師領開州一州元城魏縣南

樂清豐東明內黃濬縣大名滑縣長垣十縣

元城

名縣後復大名元城中倚郭元太宗時

南樂

中唐置昌樂縣省繁水入焉五代唐改南樂

魏縣

中唐省漳陰入隸魏州至宋屬魏縣清河

開州

上唐瀘州宋升開德府後降瀘州金皇統四年

濮陽

東明來屬領四縣本朝因之以濮陽沿莘東明

濮陽

東明二縣省入領長垣一縣濮陽見上東明



元初割隸大名路後隸開州本朝初省入開州後置屬大名府 **清豐** 唐天曆中析

置屬澶州五代晉以頓丘為德清軍宋徙德清軍治清豐後省頓丘入焉金罷軍以縣屬開州元因之

本朝改屬 **長垣** 唐為匡城縣五代梁晉復為長垣唐大名府 改匡城宋初復長垣金屬開州元初

屬大名後改屬開州 本朝因之

**滑州** 唐改靈昌郡宋改武成軍本南京屬郡金大定六年割隸大名府領白馬內黃二縣衛南武城二

鎮元仍為滑州領二縣 本朝洪 **白馬** 唐本衛曹邑隋

武七年改為縣以白馬 本朝入 **內黃** 唐屬黎州又屬相州又屬魏

州治金省帝城 屬大名府 **內黃** 唐屬大名府金屬滑州元仍

舊 本朝改

屬大名府 本朝改

**濬州** 唐置黎州後廢石晉 **濬州** 宋為通判軍又改

更為通州天德三年復領黎陽衛二縣衛橋淇門二

鎮復為濬州元初隸真定至元中隸大名 本朝洪

武初改 為縣

山東古兗州之域

元置山東東西道肅政廉訪司

皇明置山東等處承宣布政使司領濟南兗州東昌青州

登州萊州六府置山東都指揮使司領濟南青州左登

州大嵩濟寧東昌海寧靈山成山平山鰲山靖海安東

威海萊州臨清十六衛東平肥城膠州諸城滕縣五所

又置山東等處提刑按察司分濟南東兗海右三道每

察諸府州衛所布按二司俱治濟南都司初治青州後

亦遷治濟南云

濟南路唐濟州又改臨淄郡又改濟南郡又為青州宋

為濟南府金因之領歷城臨邑商河章丘禹城長清濟



陽七縣盤水中宮等三十六鎮元初改濟南路總管府

舊領淄陵二州至元二年淄州割入淄萊路陵州割入

河間路又割臨邑縣隸河間路長清縣入泰安州禹城

縣隸曹州齊河縣入德州割淄之鄒平縣來屬置總管

府領司一縣四州二州領七縣 本朝復改為濟南府

領泰安武定德濱四州歷城長山章丘禹城齊河鄒平

淄川齊東濟陽新城臨邑長清肥城陵縣青城新泰萊

蕪德平平原陽信海豐樂陵商河蒲臺利澤霑化二十

六縣 齊東青城臨邑樂陵

歷城 中倚郭唐以平陵省入宋 章丘 上唐初屬潭州

縣屬濟州宋增置靖平軍益廢軍以 鄒平 上唐宋皆

縣屬濟南府元仍舊 本朝因之 本朝因之

元問來屬 濟陽 中唐析高苑縣地置濟陽縣以在濟

本朝因之 復析臨邑章丘二縣北置齊陽縣 海豐 隋唐俱置無

屬濟南府元仍舊 本朝因之 禹城齊河長清 魏下

舊屬滄州元省入滄州 本朝因之 棣州 上唐初置棣州唐

朝洪武八年改屬武定州 棣州 戶八萬二千三百三領

棣州 改為樂安郡金為棣州戶八萬二千三百三領

厥次陽信商河三縣元至元初濱棣自為一道中統三年

改置濱棣路安撫司至元二年與濱州俱隸濟南路

領四縣 本朝改為武定州仍領陽信海豐樂陵商河

入宣德元年本朝改為武定州仍領陽信海豐樂陵商河

四縣 本朝改為武定州仍領陽信海豐樂陵商河

縣 厥次 陽信 商河 三縣 元至元初 濱棣 自為 一道 中統 三年 改置 濱棣 路 安撫 司 至元 二年 與 濱州 俱隸 濟南 路 領 四 縣 本朝 改為 武定 州 仍領 陽信 海豐 樂陵 商河



霑化四縣元初以棣州為濱棣路至元二年省路為州隸濟南路領三縣本朝以渤海縣省入領蒲臺

利津霑化三縣渤海元中初設司候司至此縣利津下本勃海縣地宋析置招

元仍舊利津縣屬濱州霑化下本勃海縣地宋析置招

為鎮元豐初復置金改為霑化縣肥城見東

武定州附置東州唐改為樂安郡復為州宋因之元

淄川劉宋置東清河部及具丘縣北齊罷郡以縣屬

置淄州宋金因之元改淄州為般陽路以縣屬倚郭

屬齊長山唐初屬鄒州後屬淄州宋金因之新城本

南府山縣驛臺元因其地大以聚州置蒲臺下金屬濱

改路濟南府本朝泰安州新泰萊蕪德州德平原州見

萊州府中唐初改東萊郡為萊州宋為防禦州金升定

海軍屬山東東路元初屬淄萊路舊設錄事司至元二

年省入掖縣又省即墨入掖與膠水仍隸般陽路領四

縣本朝洪武九年陞為萊州府領平度膠州二州掖

縣濰縣昌邑高密即墨五縣

掖縣中倚郭元自錄事司析膠水東漢置膠東縣隋

郡唐宋金元並屬萊州本朝因之招遠下唐宋

平度州屬萊州府領濰縣昌邑膠州高密即墨五代

羅峯鎮金始置屬萊州元因萊陽晉置昌鄉縣五代

登州府下唐初為牟州復改登州宋屬河南道元屬般

陽路領四縣本朝初屬萊州府洪武初改為登州府領

寧海一州蓬萊黃縣福山棲霞招遠萊陽文登七縣







貞觀中屬博州五代周改河清縣尋復舊宋因之

熙寧初徙治於東十里金元仍舊本朝因之

縣中唐武德間置莘州貞觀初州廢以縣屬博平觀

初省入聊城後復置宋徙治寬

河鎮金元仍舊本朝因之

豫復置元仍舊丘縣宋屬洛州金廢為鎮隸曲周縣

本朝因之

臨清高唐濮三州并餘縣俱見

濟寧州下唐麟州周於此置濟州至元六年以濟州

寧府十五年遷於濟州以鉅野行濟州事其年又

以府治歸鉅野而濟州仍治任城俱為散州十六年

濟寧升為路置總管府領司一縣七州五州領九縣

本朝洪武元年改路為府十八年改府為州以任城

縣省入屬充州府領鄆城嘉

祥鉅野三縣隸山東布政司金里城中尚鄆金廢屬鄆

後徙路治任城而

縣仍屬本朝因之

肥城宋入平陰元復置

本朝改屬濟南府

金鄉下初隸濟州至元初年

本朝改屬兗州府

碭山金置水蕩沒元復縣治隸東平路至元中併入

單父縣後復置屬濟寧路本朝改屬徐州

虞城金圮於水元始復置虞城二年豐縣元憲宗二

併入豐三年復置沛縣直隸

濟寧路本朝改屬徐州

州宋因之元至元二年以戶不及千併隸任城六年

遷州於鉅野而任城為屬邑八年升州為濟寧府治

任城復還府治鉅野十二年以任城當江淮水陸衝

要復立濟州屬濟寧路而任城廢十五年遷府於濟

州之鉅野行濟州事其年復於鉅野立府仍於

此為州二十三年後置任城隸濟州領三縣

本此齊初置

魚臺唐置魚臺縣屬兗州至元中併入

沿革見上

尋屬濟南府

洪武十八

沛縣唐以廣戚縣省入宋

年改屬兗州府

滕州治此憲宗二年州廢復為縣至元二年移

入豐縣三年後置屬濟州本朝改屬徐州

兗州府下唐初升泰寧軍宋改襲慶府金改泰定軍大

定十九年更名兗州領磁陽曲阜泗水寧陽四縣元初



仍為兗州 本朝初因之洪武中升為兗州府直隸山

東布政司領濟寧東平曹沂四州滋陽曲阜寧陽鄒滕

泗水嶧金鄉魚臺單城武定陶曹鄆城嘉祥鉅野平陰

汶上東阿陽穀壽張郟城費二十三縣

滋陽 古瑕丘縣宋改瑕縣又改滋陽金元因之 曲阜

唐仍隋名曲阜宋改仙源 泗水 隋改泗水縣屬兗州

金元復舊 本朝因之 阜後復置屬兗 寧陽 宋改為龔丘縣金後為寧陽縣

本朝因之 單州 下唐置輝州治單父後唐改為單州宋升團練

父武城魚臺陽山四縣元初屬濟州後隸濟寧路領

二縣 本朝洪武元年省單父入州二年改為縣屬

濟寧府十八年 單父 元初與單州併屬濟州至元申

改屬兗州府 復立單父縣還屬濟州後為單

州屬 嘉祥 舊屬濟州元隸東平路至元中還屬濟州

縣 後為單州屬縣 本朝改屬兗州府之濟

州 曹州 上唐改濟陰郡後復為曹州宋因之金大定八

年城為河 陶東明三縣元初隸東平路總管府至元二年直隸

省部領縣五 本朝洪武四年改為縣正統十一年

復置曹州於古 濟陰 上附鄆興城武 中唐屬曹州五

曹國隸兗州府 禹城 中唐改祝河為禹城宋金

本朝改屬兗州府 朝改屬 楚丘 隋改已氏縣為楚丘唐屬曹

濟南府 宋州金屬單州元屬曹州 曹縣 隋置濟

宋皆因之金徙曹州治舊乘氏縣仍置濟陰為附鄆

本朝初以濟陰省入州洪武二年徙州治磐石鎮

四年改州為縣屬濟寧府正統 定陶 隋置濟陰郡宋

續文獻通考卷之三十三 七五十九京



館陶朝城恩州之臨清開州之觀城來屬至元五年

折隸省部領縣六 本朝以鄆城省入州屬東昌府

景泰二年以河惠徙治王 臨清州 唐析置永濟縣宋

村領觀城朝城范三縣 本朝初仍為縣改屬觀城

清後廢為鎮尋復置 本朝初仍為縣改屬觀城

東昌府弘治二年陞為臨清州領丘縣館陶觀城

觀初省大曆中復置宋省入 范縣 州尋廢以縣屬濟

濮陽尋復置 本朝因之 范縣 州尋廢以縣屬濟

元貞觀中改屬濮州宋金 館陶 州尋廢以縣屬濟

屬濮州 本朝 鄆城 上唐開元時以濮州治野城後

改隸臨清州 野城 濮州所屬不一而為治如故

朝城 中唐改武陽縣為武聖又改為朝城屬魏州石

三年來屬 本朝因之 武聖 又改為朝城屬魏州石

高唐州 中唐為縣屬博州宋金因之元初隸東平至

復以恩縣來屬東昌府仍 高唐 中唐改崇武縣復為

領夏津恩縣武城三縣 高唐 中唐改崇武縣復為

魚丘晉改齊城漢復為高唐宋金仍 夏津 中唐改

屬博州元屬東平至元中改為州 夏津 中唐改

宋屬魏州金屬大名府元 武城 中唐移治未濟渠西

仍舊元屬高唐 武城 中唐移治未濟渠西

泰安州 中本博城縣唐初於縣置東泰州後廢州改

大安二十二年亦為州領奉符萊蕪二縣元初屬東

平路後隸省部立新泰縣領四縣 本朝以奉符縣

省入改屬濟南府領新泰 奉符 沿華 長清 中唐屬齊

館陶朝城恩州之臨清開州之觀城來屬至元五年

折隸省部領縣六 本朝以鄆城省入州屬東昌府

景泰二年以河惠徙治王 臨清州 唐析置永濟縣宋

村領觀城朝城范三縣 本朝初仍為縣改屬觀城

清後廢為鎮尋復置 本朝初仍為縣改屬觀城

東昌府弘治二年陞為臨清州領丘縣館陶觀城

觀初省大曆中復置宋省入 范縣 州尋廢以縣屬濟

濮陽尋復置 本朝因之 范縣 州尋廢以縣屬濟

元貞觀中改屬濮州宋金 館陶 州尋廢以縣屬濟

屬濮州 本朝 鄆城 上唐開元時以濮州治野城後

改隸臨清州 野城 濮州所屬不一而為治如故

朝城 中唐改武陽縣為武聖又改為朝城屬魏州石

三年來屬 本朝因之 武聖 又改為朝城屬魏州石

高唐州 中唐為縣屬博州宋金因之元初隸東平至

復以恩縣來屬東昌府仍 高唐 中唐改崇武縣復為

領夏津恩縣武城三縣 高唐 中唐改崇武縣復為

魚丘晉改齊城漢復為高唐宋金仍 夏津 中唐改

屬博州元屬東平至元中改為州 夏津 中唐改

宋屬魏州金屬大名府元 武城 中唐移治未濟渠西

仍舊元屬高唐 武城 中唐移治未濟渠西

泰安州 中本博城縣唐初於縣置東泰州後廢州改

大安二十二年亦為州領奉符萊蕪二縣元初屬東

平路後隸省部立新泰縣領四縣 本朝以奉符縣

省入改屬濟南府領新泰 奉符 沿華 長清 中唐屬齊



尋改屬德州五代宋金

元仍舊本朝因之

濟南府至元三年

來屬本朝因之

屬德州本朝

改屬東昌府

縣祥符中復置屬德州

金元仍舊本朝因之

恩縣中唐為清河郡宋改恩州金隸大名府路治歷

亭領歷亭武城清河臨清四縣元初割清河縣

隸大名府以武城隸高唐惟歷城一縣及司候司俱

省入州七年自東平析隸省部本朝改為縣屬高

州

冠縣本冠氏唐因隋舊置毛州後州廢縣屬魏州宋

金並屬大名府元初屬東平並元六年升冠州

直隸省本朝降

為縣改屬東昌府

山東東西道宣慰司

置元

益都路唐青州又升盧龍軍宋改鎮海軍金為益都路

總管府號山東東路又曰京東東路統府二節鎮二縣

五十三鎮八十三領益都臨朐穆陵壽光博興臨淄樂

安七縣元亦為益都路領司一縣六州八州領十五縣

本朝改青州府領莒州一益都臨淄博興高苑樂安

齊河下本祝河縣地宋始為

鎮金大定中置為縣隸

平縣明靈寨全屬大名府元

五代唐改德平縣宋省入安德

州

恩州金隸大名府路治歷

亭領歷亭武城清河臨清四縣

元初割清河縣

隸大名府以武城隸高唐惟歷城一縣及司候司俱

省入州七年自東平析隸省部本朝改為縣屬高

州

冠縣本冠氏唐因隋舊置毛州後州廢縣屬魏州宋

金並屬大名府元初屬東平並元六年升冠州

直隸省本朝降

為縣改屬東昌府

山東東西道宣慰司

置元

益都路唐青州又升盧龍軍宋改鎮海軍金為益都路

總管府號山東東路又曰京東東路統府二節鎮二縣

五十三鎮八十三領益都臨朐穆陵壽光博興臨淄樂

安七縣元亦為益都路領司一縣六州八州領十五縣

本朝改青州府領莒州一益都臨淄博興高苑樂安

壽光臨朐安丘諸城蒙陰昌樂沂水日照一十三縣

益都中倚郭元以行濟州及行淄川併入三年又併



屬萊州府後

**膠州** 下唐初為膠西縣宋置臨海軍金仍舊為膠西

省膠西入州改屬萊 **即墨** 漢置即墨縣治膠東國北

州府後復屬膠州 **高密** 下取境內密水為名唐宋

州府後復屬膠州 **高密** 金皆屬密州元隸膠州

**密州** 唐初為密州宋為臨海軍後為密州高密郡安

化軍節度金時戶一萬一千八百一十二領諸城安

丘高密膠西四縣元初因之 **諸城** 下唐密州治此宋

以膠西高密屬高州領二縣 **諸城** 置安化軍金元仍為

密州治 **安丘** 唐為輔唐縣五 **安丘** 晉嘗入膠

州改屬青州府 **舊俱屬密州** 本 **莒州** 唐置莒州後罷宋以縣屬密

朝改屬青州府 **舊** 本朝省莒縣 **沂水** 下唐宋屬沂州金元

舊 **沂州** 本朝省莒縣 **沂水** 下唐宋屬沂州金元

入焉 **沂州** 本朝省莒縣 **沂水** 下唐宋屬沂州金元

漢 **沂州** 本朝省莒縣 **沂水** 下唐宋屬沂州金元

金始置縣屬莒州元仍舊 **蒙陰** 下本

史地北齊省入新泰縣唐宋金仍舊元世

沂州 中統中復置蒙陰 本朝改屬青州府

初為沂州天寶時改邛邛郡後復沂州 **費縣** 下即魯

水金因之元憲宗三年省司侯司入焉 **費縣** 費邑唐

金元皆仍舊 **邳城** 隋屬下邳唐宋金因之元

因之改屬兗州府 **邳城** 末復置屬沂州 本朝因之

**滕州** 下唐為滕縣屬徐州宋仍舊金陞滕陽軍大定

此領二縣 本朝洪武二年州廢以縣 **鄒縣** 下唐改



續文獻通考卷之二百二十六

皇明進士雲間王圻纂輯

輿地考 遼東 山西 河南

遼東古青冀二州之域

遼陽等處行中書省為路七府一屬州十二屬縣十徒存其名而無城邑者不在此數



遼陽路上唐以前為高句麗及渤海大氏所有遼太祖神冊四年葺遼陽故城以渤海俘戶建東平郡天顯三年遷東丹國民居陞為南京城云天福十三年改南京為東京府曰遼陽統遼陽偃鄉鶴野析木柴蒙興遼肅慎歸化九縣割州府軍城八十七金置遼陽府戶四萬



六百四領遼陽鶴城宜豐石城四縣天會十年改南京路嘗有東南路都統軍使司治於此以鎮高麗宜豐澄復蓋瀋貴德州廣寧府來遠軍並屬焉元初廢貴德澄復州來遠軍以廣寧府婆娑府懿州蓋州作四路直隸省至元六年置東京總管府降廣寧為散府隸之十五年割廣寧立行省二十五年改東京為遼陽路後廢婆娑為巡檢司壬子年抄籍數領縣一州二 本朝洪武四年置定遼都衛八年改為遼東都指揮使司十年革所屬州縣置衛永樂七年復置安樂自在二州今領衛二十五州二

定遼中衛

洪武十年罷遼陽縣十七年置衛附郭

左衛

右衛

前衛

俱洪武四年置為千戶所十年陞為衛附郭

後衛

附郭洪武四年各遼東衛治得利巖城尋徙治於此八年改置

東寧衛

附郭洪武十三年置五千戶所曰東寧女直并五所為左右前後四千戶所仍置中及中左二千戶所以謫戍者實之

海州衛

在都司城南一百二十里本蓋羊地高麗為紗卑城渤海國為南海府遼為海州南海軍

治臨溟縣金改為澄州元廢洪武九年置衛

後州衛

元廢永康洪武十四年置衛

金州衛

本蓋羊地遼為遷民縣屬黃龍府後置復州懷德軍改縣曰永寧軍金改永康元廢

洪武四年置衛尋調所領中左千戶所守旅瀕海口

廣寧中衛

左衛右衛俱廣寧衛城內洪武二十年置初治大凌河末樂元年徙此

義州衛

遼號宜州崇義軍金改為義州治弘政縣元省州縣屬大寧路本朝州縣俱廢洪武二



十二年置備

廣寧後屯衛

義州衛城內洪武二十五年置初治懿州未樂八年徙此

廣寧左屯衛

故錦州城內洪武二十四年置宣德三年於城東四十里大凌河增置中左千

戶所屬焉

廣寧右屯衛

都司城西五百四十里洪武二十六年置初治十三年十七年徙

寧遠衛

都司城西七百七十里本廣寧前屯後二衛地宣德三年於此築城置衛又於城東五十

里塔山別置中左千戶所於城西四十里小紗河別置中右千戶所屬焉

鐵嶺衛

都司城北一百四十里古有城在今衛治東南五百里接高麗界洪武二十一年置衛

二十六年徙此則遼金元時舊州故地也二十九年調所領左右千戶所於城南六十里懿路城永樂八年

後調中千戶所於懿路正統四年又調中左千戶所於城南三十里汎河俱仍屬衛

遼海衛

開元城內洪武十一年置初治中家莊二十六年徙此

安樂州

自在州俱永樂七年置治開元城內所領新附夷人後徙自在州治於都司城內

澄州

領臨溟析水二縣元廢

復州

領永康化二縣

貴德州

領貴德奉集二縣元廢

來遠州

遼女直地全大定二十二年置初置總管府元廢

婆娑

金初置統軍司天德二年置總管府元廢

遼陽

下倚郭至元六年以鶴野軫驚巡院入焉

蓋州

下初為蓋州路本高麗蓋葛羊城遼為辰州金明昌四年罷昌蘇館建辰州遼海軍節度使六

年以與陳同音更取蓋葛羊為名領陽池建安秀岩安龍岳四縣神鄉大字二鎮元至元六年併為東京

支郡併龍岳陽池二縣入建安縣八年又併建安縣入於本州本朝洪武九年廢州置衛

懿州

下初為懿州路遼為寧昌軍節度太平三年越國公主以滕臣戶置初曰慶懿軍更曰廣順軍



清寧七年宣懿皇后進入改今名統昌寧順安二縣今因之先隸咸平府泰和末屬北京領順安靈山二縣元至元六年為東京支郡所領豪州及同昌靈山二縣後省入順安縣入本州

廣寧府路下本漢望平縣地遼為顯州奉先軍金天輔

七年陞為廣寧府天會八年改軍名鎮寧軍天德二年

隸咸平後廢軍隸東京泰和七年改隸北京領廣寧望

平問陽元封字魯古反為廣寧王舊立廣寧行帥府事

後以地遠遷治臨潢立總管府至元六年以戶口單寡

降為東京路總管府屬郡十五年復分為路行總管府

事有醫巫問山為北鎮在府城西北一十里領縣二

本朝廢州縣改置衛

問陽

下初立千戶所至元十五年以戶口繁夥復立行千戶所後復為問陽縣

望平

至元中省

鍾秀縣入焉十五年為望平軍民千戶所後復為縣

肇州

按哈刺八都魯傳至元三十年世祖以乃顏故地產魚因立城名曰肇州城宋元貞元年立肇州屯田萬戶府以遼陽行省左丞阿散領其事所屬所領未詳

按金肇州置防禦使舊出河店也天會八年以太祖

兵勝遼肇基王迹於此遂建為州天眷九年十月置

防禦使隸會寧府海陵時嘗為濟州支郡升為節鎮

軍名與武五年置漕運司以提舉蕪州事後廢貞祐

二年復升為武興軍節鎮置招討使以使蕪州事領

始興一縣此肇州又是一處在鴨子河黑龍江之側

元肇州與名同故亦附註於此

山東遼東道肅政廉訪司

元置

本朝俱改衛



大寧路上本奚郡唐初其地屬榮州貞觀中奚酋可度  
內附乃置饒樂郡遼太祖建國舉族臣屬聖宗統和二  
十二年城之號曰中京大定府領恩惠高武安利渝澤  
北安潭松江十州創領大定長安富茂勸農文定昇平  
歸化神水金源十縣恩州領恩化惠州領惠和高州領  
三韓武安州領沃野利州領阜俗渝州領和衆澤州領  
神山灤河北安州領利民潭州領龍山松江州領松江  
計其所領共一十一縣金初因之海陵元貞元年更爲  
北京領大定長興富松山神山惠和金源和衆武平靜  
封三韓十一縣恩化文安二鎮元初爲北京路總管府  
領興中府及義瑞興高錦利惠川建和十州中統三年

割興州及松山縣屬上都路至元五年併和州入利州

爲永興七年興中府降爲州仍隸北京改北京爲泰

寧二十五年改爲武平路復大寧路領州九司一縣七

大定

下中統三年省長興入焉

龍山

下初屬大定府至元四年屬利州後復來屬

富庶

下遼

開太

二年置至元三年省入興中州後復置

利衆

下金源

下遼開泰二年置金元仍舊

惠和

下金皇統十年以遼惠州惠和縣置

武平

下金皇統三年罷榆州屬大定

義州

下遼爲宜川金天德三年更州名戶三萬二百三十三領弘正開義同昌三縣饒慶一鎮元皆

廢存

興中州

下元初因舊爲興中府後省至元七年又降府爲州

瑞州

下本來州金天德三年更爲中州大和六年以避睿宗諱改今各領瑞安海陽海濱三縣遷民

一鎮元皆廢存州至元二十三年伯顏奏准以唆都哈觴等拘收戶立屯于瑞州之西撥瀕荒閒地及時



開耕設打捕屯田總管府仍以都哈解等為屯田官  
本朝洪武二十二年改置廣寧前屯衛宣德三年置  
中前千戶所為屬  
後千戶所為屬

**高州** 遼開泰中以高麗俘戶置

**錦州** 下本漢遼東無虞縣遼太祖以漢俘建州為臨海軍中節度統安樂永昌二縣金舊隸與中府

後來屬戶三萬九千一百二十三領永樂安昌神水三縣元廢縣存州 本朝洪武二十四年改置廣寧

中屯衛宣德三年又置中左千戶所為屬

**利州** 下遼中京阜俗縣統和二十六年置州刺史開泰中升觀察金因之戶二萬一千二百九十六

鎮阜俗龍山二縣漆河一鎮 萊州一寨元皆廢存州

**惠州** 下遼置惠和軍中刺史

**川州** 下本唐青州地遼太祖弟安瑞置詔各白川州後安瑞子察刺以逆誅沒入省曰川州統弘聖

咸康宜民三縣

**建州**

下唐武德中置昌樂縣遼太祖完故疊州世宗時石晉太后求耕懇地自贍許建州南地給五十畝營構房室創立宗廟聖宗以州多水害遷雲河此康崇州故城名軍曰武守領永霸永康二縣金因之領永霸一縣本唐旨黎縣地元廢縣存州

**兀良哈** 元為大寧路北境 本朝洪武二十二年征

敗北胡來降者眾詔以兀良哈之地置泰寧朶顏福餘

三衛以處之為東北外藩命其酋長為指揮使指揮同

知各領所部自是每來朝貢

**東寧路** 本高句麗平壤城亦曰長安城漢滅朝鮮置樂

浪玄菟郡此樂浪地也晉義熙後其王高璉始居平壤

唐征高麗拔平壤其國東徙在鴨綠水之東南千餘里

非平壤之舊至王建以平壤為西京元至元六年李延



齡崔垣元玄烈等以府州縣鎮六十城來屬八年改西京

為東寧府十三年升東寧路總管府設錄事司割靜州

義州麟州威遠鎮隸婆娑府本路領土山縣中和縣鐵

化縣

都護府自唐之季地入高麗置府州縣鎮六十餘城此

為都護府雖仍唐舊名而無都護府之實至元六年李

延齡等以其地來歸後城治廢毀僅存其名屬東寧路

定遠府

郭州

撫州

黃州

領安岳三和龍岡咸從江西五縣長命二

鎮靈州

慈州

嘉州

遼為嘉平軍下刺史

順州

本遼隊縣地橫帳南王府

浮燕薊順民建城居之

殷州

宿州

德州

領江東永清通海順化四縣寧遠柔

遠安戎

昌州

鐵州

本漢安市縣遼為建武軍刺史領定戎一鎮

泰州

遼時

本契丹二十部俗牧地金海陵正隆間置德昌軍隸上京大定二十五年之承安三年復置於長春縣

以舊泰州為金安縣隸馬領長春一縣

价州

朔州

宣州

領寧朔蕭烏二縣

成州

領林德一鎮

熙州

孟州

領三登一縣棧烏寧德二鎮

延川

領陽巖一

鎮雲州

瀋陽路本挹婁故地渤海大氏建定理府都督瀋定二

州此為瀋州地遼為興遼軍後軍名昭德軍領巖州一

州樂郊靈源二縣巖州領白巖縣金復為昭德軍又更

顯德軍明昌肆年改為刺史州與通貴德澄三州皆隸

東京領樂郊章義遼濱挹婁雙城五縣後皆燬於兵火

元初平遼東高麗國麟川神騎都領洪福源率西京都

護龜州四十餘城來降各立鎮守司設官以撫其民後



高麗復叛洪福源引衆來歸授高麗軍民萬戶徙降民散居遼陽瀋陽初創城郭置司存僑治遼陽故城中統二年改爲安撫高麗軍民總管分領二千餘戶理瀋州元貞二年併西司爲瀋陽等路安撫高麗軍民總管府治遼陽故城轄總管五千戶 本朝洪武二十年改置瀋陽中衛領撫順蒲河二千戶所

開元路古肅慎之地隋唐曰黑水靺唐初渠長阿固卽始來朝後乃臣服以其地爲燕州置水府其後渤海盛靺鞨皆役屬之又其後渤海寢弱爲契丹所攻黑水復擅其地東瀕海南界高麗西北與契丹接壤卽金鼻祖之部落也初號女真後避遼興宗諱改曰女直太祖烏

古打旣滅遼卽上京設都初會寧州太寧改爲府天眷元年置上京留守司以留守帶本府尹兼本路兵馬總管後置上京曷懶等路提刑司領會寧曲江宜春三縣金末其將蒲鮮萬奴據遼東元初癸巳歲出師伐之生擒萬奴師至開元恤品東土悉平開元之名始見於此乙未歲立開元南京二萬戶府治黃龍府至元四年更遼東路總管府二十三年改爲開元路領咸平府後割咸平爲散府俱隸遼東道宣慰司至順錢糧戶數四千三百六十七 本朝洪武二十二年改置三萬衛

咸平府古朝鮮地箕子所封漢屬樂浪郡後高麗侵有其地唐滅高麗置安東都護以統之繼爲渤海大



氏所據遼平渤海以其地多險隘建城以居流民號  
咸州安東軍領縣曰咸平金升咸平府戶五萬六千  
四百四領平郭同山新興慶雲清安榮安歸仁玉山  
八縣兵亂皆廢元初因之隸開元路後復割出隸遼  
東宣慰司

合蘭府水達達等路土地曠闊人民散居元初設軍民  
萬戶府五撫鎮北邊一曰桃温距上都四十里一曰胡  
里改距上都四千二百里大都三千八百里有胡里改  
江并混同江又有合蘭河流入於海一曰幹朶憐一曰  
脫幹憐一曰孛古江各有司存分領混同江南北之地  
其居民皆水達達女直之人各仍舊俗無市井城郭逐

水草爲居以射獵爲業故設官牧民隨俗而治有合蘭  
府水達達等路以相統攝焉有俊禽曰海東青由海外  
飛來至奴兒干土人羅之以爲土貢本朝悉境歸附自  
開原迤北因其部族所居建置都司一衛一百八十四  
所二十官其酋長爲都督都指揮指揮千百戶鎮撫等  
職給與印信牌仍舊各統其屬以時朝貢

奴兒干都司

永樂七年置

建州衛

必里衛

兀者左衛

已上俱永樂二年置

毛憐衛

虎兒大衛

失里錦衛

奴兒干衛

堅河衛

撒力衛

俱永樂三年置

古賁河衛

古城衛

塔魯木衛



蘇溫河衛

幹灘河衛

兀者前衛

卜顏衛

亦罕河衛

納憐河衛

麥蘭河衛

兀列河衛

雙城衛

撒刺兒衛

亦馬刺衛

兀蘭衛

亦兒古里衛

脫木河衛

卜刺衛

密陳衛

脫倫衛

嘉河衛

塔山衛

河速江衛

速平江衛

木魯罕山衛

馬芙山衛

土魯亭山衛

木答里山衛

朶林山衛

兀也吾衛

吉河衛

剗竹哈衛

福山衛

肥河衛

哈溫河衛

木速河衛

罕答河衛

撒兒忽衛

剗童衛俱永樂四年置

阿古河衛

喜樂溫和衛

木陽河衛

哈蘭城衛

可令河衛

兀的河衛

哥吉河衛

野木河衛

納刺吉河衛

亦里察河衛

野兒定河衛

卜魯丹河衛

好屯河衛

喜刺烏衛

考即兀衛

亦速里河衛

阿刺山衛

隨滿河衛

撒禿河衛

忽蘭山衛

阿資河衛

古魯渾山河衛

甫里河衛

答刺河衛

撒只刺河衛

阿里河衛

依木河衛

亦文山衛

木蘭河衛

朶兒必河衛



甫門河衛 已上俱永樂五年置

納木河衛

童寬山衛 兀魯罕河衛

答罕山衛

者帖列山衛 木興衛

友帖衛

牙魯衛 刺魯衛

益實衛

乞忽衛 兀里奚山衛

希灘河衛

弗朶禿河衛 阿者速河衛

領真河衛

克默而河衛 察刺禿山衛

嘔罕河衛

阮里河衛 列門湖衛

禿都河衛

實山衛 忽里吉山衛

莫温河衛

薛列河衛 已上俱永樂六年置

卜魯兀衛

葛林衛 把城衛

札肥河衛

忽石門衛 札領衛 木里吉衛

忽里海衛 伏里其衛 乞勒泥衛

愛和衛 把河衛 禾屯吉衛

失里木衛 阿倫衛 古里河衛

塔麻達衛 已上俱永樂七年置 木興河衛

木刺衛 喜中衛 使坊河衛

甫兒河衛 亦麻河衛 兀應河衛

法因河衛 阿塔赤河衛 古木山衛

葛彌哥衛 已上俱永樂八年置 督罕河衛

建州左衛 俱永樂九年置 只兒蠻衛

兀刺衛 順民衛 囊哈兒衛



古魯衛

滿涇衛

哈兒蠻衛

塔亭衛

也孫倫衛

可木河衛

弗思木衛

弗提衛俱未樂  
十年置

哈兒分衛

阿兒温衛

速塔兒河衛

五屯河衛

玄城衛

和卜羅衛

老哈河衛

失兒兀赤衛

卜忽秃河衛

可河衛

乞塔河衛

兀刺忽衛已上俱永樂  
十二年置

渚冬河衛

劄真衛

兀思吟里衛

忽魯愛衛已上俱永樂  
十三年置

吉灘河衛

亦馬忽山衛已上俱永樂  
十四年置

阿真同真衛

亦東河衛

亦迷河衛已上俱永樂  
十五年置

建州右衛

益實左衛

阿塔赤河衛

塔山左衛

城討温衛已上俱正  
統中置

兀者穩勉赤千戶所

五音千戶所

海刺兒千戶所

只陳千戶所

得的河千戶所

奧石河千戶所

可里踢千戶所

兀者揆野木千戶所

古賁河千戶所

兀者脫温千戶所

哈刺哈千戶所

兀者屯河千戶所

兀秃千戶所

哈魯門山千戶所

敷荅河千戶所

鎖即哈真千戶所

兀的罕千戶所

竦祗兒千戶所已上皆永  
樂年置



別兒真等七站 黑龍江忽里平一寨

弗孫河等七地面

山西古冀州之域

元置河東山西道肅政廉訪司

皇明置山西等處承宣布政使司領太原平陽大同潞安

四府澤汾沁遼四州置山西都指揮司領太原左太原

右太原前振武平陽潞州鎮西七衛保德州寧化沁州

汾州四所又置山西行都指揮使司領大同前大同後

大同左大同右天城陽和鎮虜玉林高山雲川朔州威

遠安東中屯十三衛山陰馬邑二所置山西等處提刑

按察司分冀寧冀南冀北河東等四道兼察諸府州衛

所三司並治太原而行都司則分治於大同以控制邊境云

冀寧路上唐為并州後改太原府宋因之至金析河為

南北路各置兵馬都總管太原府為東北路統節鎮三

刺郡九縣三十九鎮四十堡十寨八其太原府戶一十

六萬五千八百六十二領陽曲太谷平晉陽源徐溝榆

次祈文水文城孟壽陽十一縣元立太原路總管府大

德九年以地震改冀寧路領司一縣十州十四州領九

縣 本朝仍為太原府領平定忻代岢嵐保德石州六

州陽曲太原榆次太谷祁徐溝清源交城文水壽陽臨

縣孟縣靜樂河曲樂平定襄五臺繁峙崞縣嵐縣興縣



榆社二十二縣

**陽曲**

下唐改汾陽曰陽曲屬太原府金文水隋中唐因

始移倚郭元仍舊本朝因之

名天壽時改名武興後復舊宋徙平晉下金貞祐四

於今治金元仍舊本朝因之

年復置元因之

本朝因之

朝改為太原縣

**次** 下唐宋金元俱隸太

本朝因之

元皆仍舊

**清源** 下唐初後隋故縣金移晉州治

本朝因之

下唐於此置壽州後廢州為昭金始治

晉州於此後移清源元仍舊本朝因之

縣後省入南宋嘗置文通監於此金

廢監以縣屬太原府本朝因之

鎮金大定中析平晉榆次清

源地置元仍舊本朝因之

為火山州後改隸州復增置河曲縣元

初州縣俱省入保德州本朝復置

**汾州** 中唐改西河郡為浩州又改西河郡

為汾州金天會六年置汾陽軍節度使後又置河

東南北路提刑司元初立汾州元帥府領西河孝義介

休平遙靈石五縣郭柳洪山二鎮割靈石縣隸平陽路

**文水**

隋中唐因

本朝因之

平晉

下金貞祐四

年廢興定元

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之

本朝因之



寧鄉以平夷屬石州金改平夷寧鄉元屬平原路後改屬石州本朝因之

**忻州** 下唐初置新興郡後改忻州又改定襄郡又為忻州金隸太原府戶三萬二千三百四十一領

秀容定襄二縣元因之本朝秀容以秀容縣省入領定襄一縣本朝秀容復置隸忻州宋省元祐

年復定襄下隋省入秀容唐復置隸忻州宋省元祐置初復置金元仍舊本朝因之

**平定州** 下唐為廣陽縣宋為平定軍金大定四年升平定州興定二年升為防禦旋復降刺郡

戶一萬八千二百九十領平定樂平二縣元二年省倚郭平定樂平二縣入本州七年復立樂平領一縣

本朝樂平下倚郭唐初置遼州於樂平後徙州治遼因之宋升為平晉軍尋廢復為樂平縣屬平

定軍金興定四年升為州元復為縣至元中省縣為御入本州立巡檢司七年復立縣本朝因之

**臨州** 下唐置臨泉縣又置北和州後州廢隸石州宋置晉寧軍金廢軍置臨水縣隸石州元中統二

年仍改臨泉縣直隸太原府三年升臨州本朝臨泉縣直隸太原府三年升臨州本朝

**保德州** 下本嵐州地宋為保德軍尋立為州附郭保德縣元省與世二州入焉屬太原路本朝

洪武七年改州為縣九年復為州

**崞州** 下本崞縣元升崞州本朝

**管州** 下唐以靜樂縣置後州廢屬嵐州後又為憲州宋為靜樂軍金為靜樂郡天德三年改為管州

領靜樂一縣元因之靜樂縣本朝

**代州** 下唐置代州總管府宋置鴈門郡防禦金天會六年置震武軍節度使貞祐二年僑置西南經

界使後罷戶五萬七千六百九十領鴈門崞五臺廣武繁峙五縣元中統四年併鴈門縣入州本朝洪

武二年改為代州武八年為州

**臺州** 下唐為五臺縣代州金升臺州隸太原路元因本朝洪武二年改為五臺縣屬代州

**永寧州** 見靈石州

**興州** 下唐臨津縣隸嵐州又改合河縣金升興州隸太原路元因之本朝洪武二年改為縣

**崞縣** 即嵐州



堅州 下唐繁峙縣全為堅州隸太原路元因之繁峙見本朝洪武二年改州為繁峙縣屬代州

嵐州 下唐宋並為嵐州金天會六年升鎮西節度戶一萬七千五百五十七領宜芳合河樓煩三縣元至元二年省入管州五年復立本朝復為縣屬岢嵐州

孟州 下本孟縣全升為州元因之本朝洪武二年復改為縣

河東山西道宣慰使司 元置

大同路 上唐為北恒州又為雲州又為雲中郡遼太宗

石晉歸地為大同節度重熙十三年升為西京大同府

領弘德二州大同雲中天成長青奉義懷仁懷安七縣

弘州領永寧順聖二縣德州領宣德一縣金天德二年

置總管府更置留守司及轉運司為西京路統節鎮七

刺郡八縣三十九鎮其大同府領大同雲中宣寧懷安

天成白登懷仁七縣奉義窮龍安七疇三鎮元初置警

巡院至元二十五年改西京為大同路領司一縣五州

八州領四縣 本朝改為大同府領渾源應州朔蔚四

州大同懷仁山陰馬邑靈丘廣靈廣昌七縣

大同 中倚郭本大同川地遼重熙中析雲中縣置元至元二年省遼所置雲中天成奉義懷安四縣

白登 下遼以白登臺地置清縣金大定七

宣寧 下遼德州昭聖軍宣德縣金平地 下本號

懷仁 下本漢沙南縣遼析雲中縣地

蔚州靈丘廣昌廣靈 觀北直隸

弘州 下唐為清寨軍隸蔚州遼置弘州博寧軍金置

縣元至元中割順聖隸宣德府惟



渾源州 下唐初為渾源縣隸應州遼因之金以縣置渾源元初改縣為恒陰後省入州本朝因之

應州 下唐末置後唐升彰國軍石晉割地於遼仍為彰國軍節度領金城渾源河陰三縣元初為應州領二縣本朝因之以金城

金城 州領二縣本朝因之以金城治所 山陰 遼置河陰縣屬應州

朔州 下唐改馬邑郡為朔州後唐升鎮武軍宋為朔州府遼升順義軍節度領鄯陽寧遠馬邑三縣

俱為朔州元因之領二縣本朝因之

朝以鄯陽縣省入領馬邑一縣

鄯陽 下唐置馬邑縣建中間嘗徙

馬邑 縣金置固州元州

武州 下唐隸定襄馬邑二郡遼置武州宣威軍領神

豐州 下唐初為豐州已改九原郡又仍為豐州後唐改天德軍遼太祖神冊五年改名應天軍尋後

州舊有錄事司并富民縣至元四年省入州

東勝州 下唐勝州又改榆林郡又復為勝州張仁愿徙置綏遠峯南郡今東勝州是也遼太祖神冊元年破振武軍武勝州之民皆趨河東州廢晉寧代北獻

遼乃復置領榆林河濱二縣金初屬西夏後復取之

置武興軍有古東勝城戶三千五百三十一領東勝

一縣元至元二年省寧邊州之半入

馬 四年省東勝縣及錄事司入州

雲內州 下唐初立雲中都督府後改橫塞軍又改天

軍節度使天會七年徙奚第一第三部來戍領雲川

柔服二縣元初廢雲川設錄事司至元四年省司縣

晉寧路上唐晉州金為平陽府河東南路統府二節鎮

三防禦一刺郡六縣六十八鎮二十九關六其平陽府

續文獻通考卷之三十三

續文獻通考卷之三十三

續文獻通考卷之三十三



天會六年升總管府置轉運司興定二年以殘破降為散府領臨汾襄陵洪洞趙城霍邑汾西岳陽浮山和川冀氏十縣元初為平陽路大德九年以地震改晉寧路領司一縣六府一州九府領六縣州領四十縣 本朝改平陽府領蒲解絳霍隰吉六州臨汾襄陵洪洞浮山趙城太平曲沃翼城蒲縣岳陽汾西臨晉榮河猗氏萬泉河津安邑夏縣聞喜平陸芮城稷山絳縣垣曲靈石鄉寧大寧石樓永和二十九縣

**臨汾** 中唐分置西河縣尋省入屬晉州宋仍舊 本朝因之

**襄陵** 中唐徙治於汾水西石晉屬絳州改屬河中府 本朝因之

**洪洞** 中隋改陽縣為洪洞以洪洞鎮為名唐屬晉州宋以趙城縣省入金屬平陽府元仍舊 本朝

**浮山** 下舊名神山金大定七年更為浮山興定四年更名志孝元仍名浮山 本朝因之

**岳陽** 下屬平陽府 本朝因之

**蒲州** 唐蒲州已改河中府又改河東郡又仍為河中府宋為護國軍金天會六年降為蒲州天德元年

西元帥府戶十萬六千五百三十九領河東榮河虞鄉萬泉臨晉河津猗氏七縣元憲宗在潛置河解萬戶

府領河解二州河中府領錄事司及河東臨晉虞鄉猗氏萬泉河津榮河七縣至元三年省虞鄉入臨晉省

仍領解州八年割解州直隸平陽路河中府而河中府十五年復置萬泉縣來屬領六縣 本朝洪武二年

復為蒲州以河東河東州沿革見上 萬泉 下唐武德

縣省入屬平陽府 河東 州沿革見上 萬泉 下唐武德

谷中多泉故名屬河中府宋金仍舊 猗氏 唐屬河中

元省入猗氏後復置 本朝因之 猗氏 府宋金元

仍舊 本朝改府 榮河 下唐為寶鼎縣宋真宗祀汾 為蒲州縣仍屬焉 陰改榮河縣金貞祐元年升



州元仍為縣 本臨晉 下唐天寶中改桑泉為臨晉

入本朝因 河津 下木魏龍門縣唐置太州後州廢

之屬蒲州 河津 以縣屬絳州元和初屬河中府宋

改河津縣金屬宋州後復吉州 宋置吉州軍金改吉州元仍

絳州 中唐初為絳郡又改絳州宋置防禦金天會六

河東南路兵馬三千置河東南路轉運使領正平曲

沃稷山翼城太平垣曲絳平水八縣元初為絳州行

州隸平陽路領七縣 本朝因之 以正平縣省入領

稷山絳縣 正平 下倚郭至元二年 太平 中後魏以在

垣曲三縣 本朝改屬平陽府 翼城 下唐置澠州後廢

仍舊 本朝改屬平陽府 翼城 州復置翼城縣屬

絳州至金興定四年升為翼州以垣曲絳縣隸焉元

光二年升為節鎮軍曰翼安元初復為翼城縣隸絳

州 本朝因之 絳縣 下唐 絳縣 改屬

州 後仍屬絳州宋金仍舊元至元二年省垣曲縣

入焉十六年復立垣曲縣絳縣如故 本朝因之

垣曲 下唐因隋名垣縣屬絳州宋改垣曲金 曲沃 後

仍舊元省入絳縣後復置 本朝因之 曲沃 後

置曲沃縣屬正平郡隋屬絳州唐宋 解霍等州縣見

金元皆因之 本朝改屬平陽府 解霍等州縣見

潞州 下唐初為潞州後改上黨郡又仍為潞州宋改隆

德軍金復為潞州天會六年節度使兼潞南遼沁觀察

處置使領上黨壺關也密長子潞城襄垣黎城涉八縣

元初為隆德府行都元帥府事太宗三年復為潞州隸

平陽路至元三年以涉縣割入真定以錄事司併入上

黨縣領七縣 本朝初以上黨縣省入洪武九年直隸

山西布政司嘉靖中陞為潞安府領長治長子屯密襄

垣潞城壺關黎城平順八縣

上黨 本朝省入嘉靖壺關 下唐初復置壺關縣於高

中析為長治縣 壺關 望堡貞觀中移治清流

二十一京



川宋金元皆仍舊本朝因之

**潞城** 下唐末改潞子縣尋復潞城屯

**解州** 下唐自霍壁後今治宋屬隆德府本朝因之

上黨唐屬潞州宋屬隆德府本朝因之

宋省入潞城元仍舊本朝因之

縣之東南地澤州中析其地置今縣

**澤州** 本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

本朝嘉靖中後為高平郡又仍為澤州

澤州五代宋金元皆仍舊本朝因之

**解州** 下本唐蒲州之解縣五代漢乾始中置解州宋

初年改虞邑縣屬陝州大曆中復名安邑屬

河中府宋屬解州金元仍舊本朝因之

安邑縣地唐初屬絳州乾元初改

屬聞州金元屬解州本朝因之

粵因即其地置聞喜縣唐徙縣於桐鄉

故城宋屬解州金元仍舊本朝因之

寶初開瀆得古又有篆文曰平陸

以縣屬陝州金元屬本朝因之

**霍州** 下唐初為霍山郡又改呂州又廢州以縣隸晉

州領三縣本朝以霍邑省入領靈石一縣

郭有霍山為中本朝以霍邑省入領靈石一縣

鎮沿革見上

**趙城** 下本趙簡子所居地唐屬呂州

後屬晉州宋省入

洪洞縣尋復

洪洞縣尋復

洪洞縣尋復

洪洞縣尋復

洪洞縣尋復

洪洞縣尋復

洪洞縣尋復

洪洞縣尋復

澤州五代宋金元皆仍舊本朝因之

**陽城** 下唐天寶中改護澤為陽城五代宋皆因

之朝因

**沁水** 隋改永寧縣為沁水唐宋

之朝因

**高平** 下即趙長平地唐於縣置蓋州而以澤州

併入改隸山西布政司領

高平陽城沁水陵川四縣

治晉城宋

金仍舊

之朝因

**陵川** 下唐屬監

州後改屬

州後改屬

州後改屬

州後改屬

州後改屬

州後改屬

州後改屬

州後改屬

州後改屬

州後改屬

州後改屬

州後改屬



舊陞為慶祥軍金復為趙城屬平陽府靈石下唐初屬  
州以縣屬汾州宋金仍舊

**隰州** 下唐初為隰州又改大寧郡又仍為隰州金天  
會六年改為南隰州以與北京隰州重也天德

三年去南字戶二萬五千四百四十五領隰州蒲作  
城大寧永和石樓六縣馬門永和永寧上平四開元

以州隸晉寧路領五縣本朝以隰  
川縣省入領太寧石樓永和三縣

省太寧溫泉 **大寧** 下唐置中州及太寧縣貞觀初州  
二縣入焉 罷以縣屬隰州宋金仍舊元至元

三年省入隰川後三 **石樓** 下唐初移治于西德州貞  
年復置 本朝因之 觀初省州以縣屬東和州

後又廢東和縣屬隰州 **永和** 下唐初移治仙芝谷置  
宋元仍舊 本朝因之 東和州貞觀中州罷以

縣屬隰州宋金元 **蒲縣** 後魏置石城縣後周置石城  
仍舊 本朝因之 郡周末廢為蒲子縣隋改為

蒲縣屬龍泉郡元省入隰川尋  
置屬隰州 本朝改屬平陽府

**沁州** 下唐初為沁州又改陽城郡又仍為沁州宋置威  
勝軍金天會二年仍為沁州元光二年升為節鎮

軍曰義勝領銅錕武鄉沁源綿上四縣元亦為沁州領

三縣 本朝洪武以銅錕縣省入直隸山西布政領沁

源武鄉 **銅錕** 年省錄事司武鄉入焉 **沁源** 下唐屬沁

三縣 勝軍金聖為穀州元復為沁源 **武鄉** 下唐屬潞州宋

省綿上縣入焉 本朝因之 **武鄉** 屬威勝軍金屬

沁州省入銅錕後  
復立 本朝因之

**遼州** 下唐初置遼州又改箕州又改儀州宋復為遼州  
南字天德三年復去南字領遼山榆社和順儀城四縣

元隸晉寧路領三縣 本朝以遼山縣併入直隸山西

布政司領榆 **遼山** 下倚郭本隋所置縣為遼 **榆社** 下隋

唐初於縣置榆州尋罷州以縣屬遼州宋熙寧初州  
縣皆省元豐中復置遼州及榆社縣元至元三年省

入遼山縣六年 **和順** 下宋熙寧中省入遼山縣屬平  
置 本朝因之 定軍元祐初復置屬遼州金因  
之元至元中省儀城  
縣入焉 本朝因之

**嶺北等處行中書省統和寧路總管府** 元置



和寧路

上始名和林以西有哈刺和林河因以名城太祖十五年定湖北諸郡建都於此初立元昌

路後改轉運和林使司前後五朝都馬世祖中統元年遷都太興和林置宣慰司都元帥府後分都元帥府於金山之南和林止設宣慰司至元二十六年諸王叛兵侵軼和林宣慰司怯伯等乘隙叛去二十七年立和林等處都元帥府大德十一年立和林總管府行中書省罷和林宣慰司都元帥府置和林總管府至大四年復為行中書省皇慶元年改嶺北等處行中書省改和林路總管府為和寧路總管府

河南古豫州之域

元置河南江北等處行中書省為路十二府七州一屬州

三十四屬縣一百八十二又置河南江北道肅政廉訪

司

皇明置河南等處承宣布政使司領開封彰德歸德衛輝

懷慶河南南陽汝寧八府及一十二州九十六縣又置

河南都指揮使司及河南等處提刑按察司分河南河

北二道兼察諸府州衛所而三司並治於開封

汴梁路上唐置汴州總管府石晉為開封府宋為東京

建都於此金改南京路統府三節鎮三防禦八刺郡八

縣一百八領開封府祥符陽武通許太康中牟鄆陵扶

溝陳留延津洧川長垣封丘十五縣元初領歸德府延

許裕唐陳亳鄧文賴徐邳嵩宿申鄭鈞睢蔡息盧氏行

襄樊二十一州至元八年命歸德自為一府割亳徐邳

宿四州隸之升申州為南陽府割裕唐汝鄧嵩盧氏行

襄樊隸之九年廢延州以所領延津陽武二縣屬南京

路統蔡息鄭鈞賴許陳睢八州開封祥符倚郭而屬邑



十有五二十五年改南京路為汴梁路二十八年以瀕  
河而南大江以北其地衝要又新入版圖置省南京以  
控治之三十年升蔡州為汝寧府屬行省割息頰二州  
以隸焉領司一縣十七州五州領縣二十一 本朝改  
為開封府領陳許禹鄭四州祥符陳留通許太康尉氏  
洧川鄆陵扶溝中牟陽武原武封丘延津蘭陽儀封商  
水西華項城沈丘臨頰襄城郟城長葛新鄭密縣滎陽  
滎澤河陰汜水杞縣三十縣

**開封** 下倚郭唐置汴州以開封縣省入  
**祥符** 宋初年  
改開封置元分為二  
**中牟** 下唐改內牟日中牟并置  
本朝以開封縣省入  
**龍朔** 初屬鄭氏五代梁屬開封府唐屬  
**原武** 下唐改  
鄭州宋屬開封金元仍舊 本朝因之

原武屬鄭州宋省入陽武縣元祐  
**鄆陵** 中唐屬許州  
初復置金元屬鄭州 本朝因之

金元皆仍舊  
**滎澤** 下舊隸鄭州宋省入管城元祐初  
本朝因之

改屬**封丘** 中唐屬汴州五代屬開封府金大定中河  
鄭州水湮沒治新城元初復為河水所壞乃因

故城遺址稍加完葺而  
**扶溝** 下唐屬洧川後屬許州  
遷治焉 本朝因之

元仍舊 本朝因之  
**陽武** 下唐屬鄭州五代屬開封府  
朝因之

中唐置杞州尋廢五代晉改杞縣漢周至宋  
**延津** 下唐  
仍曰雍丘金復為杞縣元仍舊 本朝因之

前為酸棗縣宋改延津金置延州隸河南  
**蘭陽** 下宋  
路元至元中州廢以縣來屬 本朝因之

置東明縣屬開封府金析東明六鄉為縣取  
**通許** 下  
其首鄉曰蘭陽為名元仍舊 本朝因之

初為通許鎮咸平中升為咸平縣屬開  
**尉氏** 下唐屬  
封府金改通許元仍舊 本朝因之

屬汴宋屬開封金元  
**太康** 下唐初置太康縣屬陳州  
仍舊 本朝因之

拱州金屬開封元屬  
**洧川** 下唐初置洧州金始置洧  
汴梁 本朝因之



元仍舊 **陳留** 下唐初為杞州又改屬汴州五代

朝因之 **鄭州** 下唐初為鄭州領管城榮陽密河陰原武

武隸開封 **管城** 隋為榮澤縣唐因之宋省入管城

汜水 **管城** 元屬汴梁路唐因之宋省入鄭州

析置武泰縣屬洛州神龍初復省入榮陽 **河陰** 下金

屬鄭州五代宋金元仍舊 **汜水** 本朝因之 **汜水** 下金屬鄭州

州元移治廣武山之北 **汜水** 本朝因之 **汜水** 下金屬鄭州

朝移治州城西北五十里 **汜水** 本朝因之 **汜水** 下金屬鄭州

之朝因 **許州** 下唐為許州宋升賴昌府金改武昌軍領長社

**許州** 鄆城長葛襄城臨潁五縣元初復為許州亦領

五縣本朝以長社縣省入潁 **長社** 下唐許州治此

臨潁襄城鄆城長葛四縣 **長社** 宋金元仍舊 **長**

**葛** 下隋縣唐屬許州宋屬潁昌 **鄆城** 下宋金元俱屬

之 **襄城** 下唐屬許州宋屬許州 **臨潁** 下唐屬潁州後屬許

陳州 下唐初為陳州後改淮陽郡已仍為陳州宋升

水西華五縣元初因之領宛丘南頓項城商水西華

頓項城五縣至元二年南頓項城商水皆廢後復置南

頓項城五縣本朝以宛丘縣省 **宛丘** 宋元為陳附

州入 **西華** 下唐改箕城屬陳州長壽初改武城後又

本朝 **西華** 改西華宋屬淮寧府金屬陳州元仍舊

因之 **商水** 下宋改激水為商水縣金仍舊元省 **南頓**

復高水治于此而廢南頓 **項城** 下唐因隋名屬陳

仍屬陳州元初省入商水 **沈丘** 本朝弘治

**鈞州** 唐宋皆不置郡齊置順軍金大定二十二年



縣置密州後廢州以縣屬鄭州後屬河南府宋屬鄭州元屬鄭州本朝因之

睢州下唐屬曹州宋改拱州又升保慶軍金改睢州元因之領四縣本朝以襄邑省入改屬歸德

府領考城下倚郭唐以後睢州升置襄邑不一並以襄邑縣為附郭考城下唐屬曹

柘城二縣柘城二縣柘城下唐省入穀熟寧陵二縣來儀封下

州五代晉漢屬開封宋屬拱州後仍屬開封為通安堡元始置柘城下唐省入穀熟寧陵二縣來

睢州本朝屬開封中改屬拱州金屬睢州柘城元仍舊本朝因之

河南路下唐初為洛州後改河南府又改東京宋為西

京金為中京金昌府元初為河南府府治即周之王城

舊領洛陽宜陽永寧登封鞏偃師孟津新安澠池九縣

後割澠池隸陝州領司一縣八州一州領縣四本朝

改為河南府領陝州一州洛陽偃師鞏縣孟津宜陽登

### 封永寧新安澠池鞏縣靈寶閿鄉盧氏一十三縣

洛陽下唐神龍初以為永昌尋復舊宋初河南洛陽

金以河南縣省入至宜陽下唐改縣曰福昌後唐改

元仍舊本朝因之永寧下唐初移治同軌城

省入壽安縣後復置金改永寧屬鞏城後移治鹿橋

宜陽元仍舊本朝因之登封下中岳嵩山在焉前有

屬洛州金屬嵩州宋元登封下中岳嵩山在焉前有

皆屬河南本朝因之鞏封下中岳嵩山在焉前有

城曰昔成嵩陽曰登封後又改告成曰陽邑五代鞏

周時省陽邑入登封宋金元皆仍舊本朝因之

縣下唐初析置河清縣孟津下唐初析置河清縣新安下唐屬洛州後

陝州下唐初為陝州又改陝郡宋為保平軍金皇統

湖城漢郡四縣元仍為陝州領四縣本朝

朝以陝縣省入領靈寶閿鄉盧氏三縣

陝縣下唐



皆為靈 靈寶 下唐天寶初得寶符于函谷關因改桃

陝州治 靈寶 源孫為靈寶縣宋金仍舊元至元十年

省入陝縣八年廢魏州為魏界隸陝州後又併魏界

治靈寶以魏界為巡檢司併來湯縣入焉 本朝因

之 閩鄉 下唐初置州尋廢州以縣屬魏州宋初屬

澠池 下唐初屬魏州貞觀初徙今治宋屬河南府金

以來屬 木朝 高縣盧氏 後見

改屬河南府 南陽路唐初為宛州而縣名南陽後州廢以縣屬鄧州

歷五代宋皆為縣金陞為申州元至元八年陞為南陽

府以唐鄧裕嵩汝五州隸焉二十五年改屬汴梁路後

直隸行省縣二州五州領縣十一 本朝因之領鄧裕

汝三州南陽鎮平唐縣泌陽桐栢南召內鄉新野浙川

舞陽葉縣魯山郊縣寶豐伊陽一十五縣

鎮平 下金初置陽管鎮後始置鎮平縣屬申州元

栢 金仍宋舊屬京西南路元省入唐州 南召 本南陽

本朝初置巡檢司成 鄧州 下唐初為鄧州後改南陽郡已仍為鄧州宋屬

鄧州 西京南路金屬南陽郡封府為武勝軍節度使

領儀滅南陽內鄉三縣元舊領穰縣南陽內鄉浙川

順陽後南陽別縣南陽府而浙川廢順陽省入內鄉

本朝復以穰縣省入穰縣 穰縣 下倚郭唐宋

領內鄉新野浙川三縣 穰縣 本朝因之 內鄉 屬浙

州唐廢州以縣屬鄧州宋析置順陽縣金因 新野 唐

之元以順陽省入 仍屬鄧州 本朝因之 浙川 金元省入內

省入穰縣五代宋金俱為新野鎮 浙川 本朝成



元初因之後省本朝復置屬南陽府

**嵩州** 下唐為陸渾伊關二縣宋初順州金改嵩州領伊陽永安福昌等縣元初以福昌隸河南

至元三年省伊陽入本朝改州為縣改屬河南

唐徙州治弘農五代及宋金俱屬魏州元至元二年隸南京路八年屬南陽府十一年改屬嵩州本朝改隸河南

**汝州** 下唐初為伊州又改汝州宋屬京西北路金初為刺郡貞祐三年升為防禦領梁郊城寶豐魯山四縣元至元三年廢郊城寶豐二縣入梁縣後復置刺縣領三縣本朝初以梁縣省入領魯山郊縣寶豐伊陽

**梁縣** 本朝省入

**魯山** 下唐復置魯州改魯縣曰魯山貞觀中州廢以洹陽縣省入魯山屬汝州宋金元仍舊

本朝省入梁縣後復置本朝因之

**寶豐** 宋更唐龍興縣為寶豐遼金因之

**伊陽** 元為嵩州屬南

陽府本朝改州為縣成化十一年仍置伊陽縣改隸汝州

**裕州** 下唐初置北澧州又改魯州後廢為縣屬唐州金泰和八年升為裕州領方城舞陽葉三縣元初即葉縣行隨州事就置昆陽縣為屬邑至元三年罷州并昆陽舞陽二縣入葉縣後復置舞陽領三縣

本朝以方城縣省方城不同而唐宋元皆為治州入領舞陽葉縣二縣

**葉縣** 下唐於此置葉州尋罷州以縣屬許州後析置仙息縣屬仙州尋州縣皆罷宋屬汝州金屬裕州元仍舊因之

**舞陽** 下唐貞觀中為北舞陽屬許州尋廢本朝因之開元中復置仍曰舞陽五代宋金皆仍舊元初省入葉縣後復置本朝因之

**汝寧府** 唐蔡州金泰和中陞節度軍曰鎮南以汝陽上

蔡西平確山遂平平輿為屬邑至元七年省遂平平輿

入汝陽隸汴梁路三十年河南江北行省平章伯顏言

蔡州去汴梁地遠允事稽誤宜陞散府遂陞汝寧府直

隸

隸

隸

隸

隸



隸行省以息潁信陽光四州隸焉復置遂平縣領縣五

州四州領縣十 本朝因之領信陽光二州汝陽上蔡

確山新蔡西平遂平羅山光山固始息縣商城真陽一

十二縣

汝陽 下唐蔡州治金仍舊元省 上蔡 下唐屬蔡州宋

朝因 西平 下唐初省入郟城開元再置屬蔡 確山 下

為朝山縣宋改確山金元因之 本朝因之 遂平 下唐貞觀

縣尋復置屬蔡州元和改遂平縣屬唐州長慶初

寧州 本朝洪武四年 真陽 元省入息州 本朝 新蔡 元省入息

州 本朝洪武四年 息州 下唐初為息州後為新息金泰和八年陞為息

州 本朝洪武四年 息州 下唐初為息州後為新息金泰和八年陞為息

州支郡元中統三年以李壇叛廢州四年復置至元  
三年以四縣併入州後復領二縣 本朝改州為縣  
初屬潁州 後改光州

光州 下唐初為光州 後改弋陽郡又

復為光州宋升光山軍元至元十二年歸附屬蕪黃

宣慰司二十三年同蕪黃等州直隸行省三十年隸

汝寧府領三縣 本朝初改屬鳳陽府洪武十三年

仍屬汝寧府領光山固始息縣商城真陽五縣

定城 下金以前皆為光州治元 固始 下唐屬光州宋

末年因兵亂徙治無常元至元 光山 下唐改光州郡

十二年復舊治 本朝因之 商城 宋

城縣宋改光山為期思縣尋復舊宋兵亂 商城 宋  
地荒至元十二年復立舊治 本朝因之  
入固始縣金元仍舊 本朝  
初因之成化十六年復置  
信陽州 下唐初為申州又改義陽郡宋改信陽軍元  
改為信陽州領縣二 本朝初降為縣 羅山 唐初復  
成化十二年復陞為州領羅山一縣 羅山 南羅州



尋罷州以縣屬申州宋初省入義陽後復置屬信陽軍元屬信陽州後遷州于故縣以縣治移于西南即今所也

歸德府唐為宋州又為睢陽郡後唐為歸德軍宋升南京金為歸德府置宣武軍領睢陽寧陵夏邑虞城穀熟楚丘六縣金亡宋復取之領宋城寧陵夏邑虞城穀熟碭山六縣元至元二年以虞城碭山二縣在枯黃河北割屬濟寧府又併穀熟入睢陽鄆縣入宋州降宋州為宋城縣與寧陵下邑隸本府八年以宿毫徐邳並隸焉壤地平坦數有河患府為散郡領縣四州四州領縣八本朝洪武初降為州屬開封嘉靖二十四年復為府而益睢州等縣并領睢州一州商丘寧陵鹿邑夏邑永

城虞城考城柘城凡八縣

睢陽下倚郭唐曰宋城亦曰睢陽本朝初省嘉靖中復置商丘

永城下唐屬亳州宋仍舊元夏邑下金改下邑為夏

寧陵下本古葛伯國唐屬

虞城禹封商均地唐改為縣宋

徐州下府初為徐州又改彭城郡又陞武寧軍宋因

彭城蕭縣宋固三縣後宋固併入蕭縣彭與錄事司併

蕭縣下即古臨沛縣唐宋金俱屬徐州元至元

鹿邑下宋金元俱仍唐舊屬亳州城父下本春秋陳

懷慶路下唐為懷州宋升為防禦金改南懷州又改沁



南軍天德三年去南字戶八萬六千七百五十六領河

內修武山陽武陟四縣元初亦為懷州憲宗七年改懷

孟路總管府至元元年以懷孟路隸彰德二年復以懷

孟路自為一路延祐六年以仁宗潛邸改懷慶路領司

一縣三州一州領三縣 本朝改為懷慶府領河內濟

源修武武陟孟縣溫縣隸河南布政司

河內 唐為懷州治以太行紫陵忠義三縣 修武 唐

治西修武屬懷州宋省入武陟縣 武陟 中唐置陟州

尋復置金元仍舊 本朝因之 屬懷州省懷縣入馬宋

金元仍舊 本朝因之 孟州 下唐置河陽軍又升孟州宋為濟源郡節度隸

守盟津宣宗朝置經畧司領河陽王屋濟源溫四縣 大定中為河水所害北去故城十五里築今城徙治

馬故城謂之下孟州新城謂之上孟州元初治下孟

州憲宗八年復立以孟州河陽濟源王屋溫四縣隸

馬設司侯司至元三年省王屋入濟源併司侯司入

河陽領三縣 本朝以河陽縣省入改為孟縣

河陽 唐改大基縣後復為河陽屬河 濟源 下元太宗

源為源州七年州廢復縣至元 溫縣 下唐置平州尋

中省王屋縣入焉 本朝因之 衛輝路本唐義州又為衛州又為汲郡金改河平軍治

汲縣以滑州為支郡大定二十六年以避河患徙共城

貞祐三年徙治於宜村新城以胙城為倚郭領汲新鄉

蘇門獲嘉胙城五縣早生大寧二鎮元中統元年升衛

輝路總管府設錄事司領司一縣四州二 本朝改為

衛輝府領汲縣胙城新鄉獲嘉淇縣輝縣六縣隸河南



布政司

汲縣

唐徙衛州治此宋金新鄉中唐屬衛州宋省入元仍舊本朝因之

獲嘉

下唐初置殷州後州廢以縣屬本朝因之

胙城

唐置胙城宋元俱仍舊本朝因之

輝州

唐以共城縣置共州宋隸衛州金改河平縣又改蘇門縣又升蘇門為輝州置山陽縣屬焉至元省蘇門縣廢山陽為鎮

淇州

唐宋金並為衛縣之域曰鹿臺鄉元憲宗以大淇為倚郭本朝復降為縣

彰德路

下唐相州又改鄴郡石晉升彰德軍金明昌三年升為府領安陽林慮湯陰臨漳輔岩五縣天禧末和豐樂鶴壁鄴壁五鎮元太宗四年立彰德總帥府領衛

豐樂

鶴壁鄴壁五鎮元太宗四年立彰德總帥府領衛

鶴壁

鄴壁五鎮元太宗四年立彰德總帥府領衛

鄴壁

五鎮元太宗四年立彰德總帥府領衛

五鎮

元太宗四年立彰德總帥府領衛

元太宗

四年立彰德總帥府領衛

四年

立彰德總帥府領衛

立彰德

總帥府領衛

總帥府

領衛

領衛

至元二年復立彰德總管府領懷孟衛輝四州及本府

至元二年

復立彰德總管府領懷孟衛輝四州及本府

復立彰

德總管府領懷孟衛輝四州及本府

德總管

府領懷孟衛輝四州及本府

府領懷

孟衛輝四州及本府

孟衛輝

四州及本府

四州及

本府

本府

輝二州憲宗二年割出衛輝以彰德為散府屬真定路

輝二州

憲宗二年割出衛輝以彰德為散府屬真定路

汲縣

唐徙衛州治此宋金新鄉中唐屬衛州宋省入元仍舊本朝因之

獲嘉

下唐初置殷州後州廢以縣屬本朝因之

胙城

唐置胙城宋元俱仍舊本朝因之

輝州

唐以共城縣置共州宋隸衛州金改河平縣又改蘇門縣又升蘇門為輝州置山陽縣屬焉至元省蘇門縣廢山陽為鎮

淇州

唐宋金並為衛縣之域曰鹿臺鄉元憲宗以大淇為倚郭本朝復降為縣

彰德路

下唐相州又改鄴郡石晉升彰德軍金明昌三年升為府領安陽林慮湯陰臨漳輔岩五縣天禧末和豐樂鶴壁鄴壁五鎮元太宗四年立彰德總帥府領衛

豐樂

鶴壁鄴壁五鎮元太宗四年立彰德總帥府領衛

鶴壁

鄴壁五鎮元太宗四年立彰德總帥府領衛

鄴壁

五鎮元太宗四年立彰德總帥府領衛

五鎮

元太宗四年立彰德總帥府領衛

元太宗

四年立彰德總帥府領衛

四年

立彰德總帥府領衛

立彰德

總帥府領衛

總帥府

領衛

領衛

至元二年復立彰德總管府領懷孟衛輝四州及本府

至元二年

復立彰德總管府領懷孟衛輝四州及本府

復立彰

德總管府領懷孟衛輝四州及本府

德總管

府領懷孟衛輝四州及本府

府領懷

孟衛輝四州及本府

孟衛輝

四州及本府

四州及

本府

本府

輝二州憲宗二年割出衛輝以彰德為散府屬真定路

輝二州

憲宗二年割出衛輝以彰德為散府屬真定路



**磁州**

唐置宋省入滏陽元初升滏源軍節度屬廣平路後復為磁州本朝并省滏陽改今屬領武

**安涉縣**

唐屬洛州後改屬磁州宋金仍舊元初省入邯鄲縣尋復置本朝因之

**武安**

唐屬洛州後改屬磁州宋金仍舊元初省入邯鄲縣尋復置本朝因之

**涉**

古涉侯國漢置涉縣唐隸潞州宋仍舊金升為崇州元罷州復置縣屬真定路本朝改隸磁州

*[Faint bleed-through text from the reverse side of the page, including characters like '武安', '涉', and '磁州']*



